



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

# Zhoghovurdin tōnats'oyts'ě

Babgēn  
Kiwlēseārean







ԺՈՂՈՎՈՒՐԴԻՆ

# ՏՕՆԱՅՈՅՅԸ

ՏՕՆԱՅՈՅՅԻ ՈՒ ՏՕՆԵՐՈՒ ՄԱՍԻՆ

ԿԱՐԵՒՐ ԵՒ ՊԱՐԶ ԳԻՏԵԼԻՔՆԵՐ

ԳՐԵՅ

ԲԱԲԳԷՆ Ծ. ՎԱՐԴ. ԿԻՒԼԷՍԷՐԵԱՆ

Կ. ՊՈԼԻՍ

ՏՊԱԴՐՈՒԹԻՒՆ Յ. ՄԱՏԹԷՈՍԵԱՆ

1901



Kiwleserean, Bagban  
Zhoghovurdin tonatsoytse.  
ԺՈՂՈՎՈՒՐԴԻՆ

# Տ Օ Ն Ա Ց Ո Յ Ց Ը



ՏՕՆԱՑՈՑՑԻ ՈՒ ՏՕՆԵՐՈՒ ՄԱՍԻՆ

ԿԱՐԵՒՈՐ ԵՒ ՊԱՐԶ ԳԻՏԵԼԻՔՆԵՐ



Գ Ր Ե Ց

ԲԱԲԳԷՆ Մ. ՎԱՐԴ. ԿԻՒԼԷՍԵՐԵԱՆ




Կ. ՊՈԼԻՍ

ՏՊԱԳՐՈՒԹԻՒՆ Յ. ՄԱՅԹԻՈՍԵԱՆ

1901

UNIVERSITY OF MICHIGAN LIBRARIES

Digitized by Google





Grad

FRAN

774

BUHR

ՅԱՐԱՐԱՆ, ՎԻՄԱԳՐԱՑՈՒՆ, ԿԱԶՄԱՑՈՒՆ ՆԻ ԹՎԹԱՎԱՃԱՐԱՆՈՑ

Յ. ՄԱՏԹԷՈՍԵԱՆ

Գայպըլ-Հաուզ - Կապոնգմուպոլիս

---

معارف نظارت جلیله سنك ۹ محرم ۳۱۹ و ۱۵ نيسان ۳۱۷  
تاریخی و ۶۶ نومرولی رخصتنامه سیله طبع اولمشدر

GRAD  
EREN  
F+Y  
01.10.94

Ջ Օ Ն

Ա Ռ

Դ Պ Ր Ե Վ Ա Ն Ս Ա Ր Մ Ա Շ Ո Ւ

Բ. Վ.



Յառուկ կարգադրութեան մը համեմատ տօներուն կարգն ու սարքը ցոյց տուող գիրք մըն է Տօնացոյց, որ հետզհետէ զարգացած ու կարգադրուած է :

Մեր Եկեղեցւոյ Տօնացոյցն իր ամենէն վերջին կարգադրութիւնը առաւ Սիմեոն Կաթողիկոսի (1765–1780) ձեռագ մէջ : Այս Տօնացոյցը մեծ հակառակութիւն տեսաւ Կ. Պոլսի մէջ Զաքարիա Պատրիարքի<sup>(1)</sup> (1719–1799) ասեմն եւ այս առթիւ «ԺԱՄԱԳԻՒԹ ԱՏԵՆԻ»-ն «Վերստին տպեցեալ եղեւ ի Կոստանդնուպօլիս քաղաքի բնակեցեալ բոլոր ազգիս կամեցողութեամբն եւ հրամանաւ նորին ազգասէր Պատրիարքի Տեառն Զաքարիա Աստուածաբան կոչեցելոյ գերիմաս Վարդապետի եւ Արքեպիսկոպոսի, ի փառս մանկացելոյն Յիսուսի» եւայլն, «ի Տպարանի Յօհաննիսի եւ Պօղոսի» :

Ժամագիրքս էջ մը Յառաջաբան ունի. «Ի Կոստանդնուպօլիս մեծ բնակեցեալ ազգիս հայոց, Ամենասուրբ Երրորդութեան շնորհիւ, հաւաքեալ ի Պատրիարքանիս Սուրբ Աստուածածնի Մայր Եկեղեցւոյ» խօսքերով սկըսուած, որ հին Տօնացոյցի գործածութիւնը կը պաշտպանէ Սիմեոնեանին դէմ՝ առանց յիշատակելու Սիմեոն Կաթողիկոսի անունը. եւ Ասեմնի ժամագիրքին այդ նոր տպա-

(1) Կաղզուանցի Զաքարիա Պատրիարք, որուն շիրմը կը գտնուի Կ. Պոլիս, Գուրու-Չէշմէի Ս. Երեման խաչ (Վոսփորի եւրոպական տիւրնքը) Եկեղեցւոյ բակին մէջ :

գրութեամբ հին Տօնացոյցը — որ ժամագիրքին երկրորդ հասորը կը կազմէ — կը շասնայ ու կը ցրուի բոլոր եկեղեցիներուն մէջ :

Աւելորդ է ըսել թէ Միմեռնեան Տօնացոյցը՝ վերջապէս ընդունուեցաւ Պատրիարք Կաթողիկոս գիրար հասկընալէ յետոյ եւ ցարդ կը գործածուի անփոփոխ :

*Տօնացոյցը* միմիայն տօնացոյց չէ՝. այսինքն՝ Տօնացոյցին մէջ միմիայն տօներն ու անոնց կարգը ցուցուած չեն . հո՛ն ցուցուած են նաեւ Եկեղեցւոյ իւրաքանչիւր օրուան Շարականները , Աւետարանները , Ընթերցուածները եւայլն եւայլն : Այնպէս որ ձեռագիր Տօնացոյցներ աւելի ընդարձակ խորագիր ունին : Իմ ձեռագիր մէկ Տօնացոյցը սա խորագիրը կը կրէ . «Տօնացոյց եւ Աւետարանացոյց եւ Հարցնացոյց եւ կարգաւորութիւնք եւ հրահանգ (f) տեղումական տաւից , զոր կարգեալ եւ սահմանեալ է Սրբոյն Սահակայ Հայոց Հայրապետի եւ ընկալեալ ի նմանէ նախնիքն մեր եւ հասուցին առ մեզ» :

Մեր Տօնացոյցը, որ այժմ կը գործածենք , երկու մասի բաժնուած է եւ կը հրատարակուի թէ՛ առանձին գիրքով եւ թէ՛ Ասեմի ժամագիրքին վերջը :

Տօնացոյցի Առաջին մասը կամ հասորը կը պարունակէ Տօներուն կարգը եւ Աստուծայայտնութեան օրէնք սկսելով՝ իւրաքանչիւր Տեղունի , լուր եւ պահոց օրերու ժամերգութեան կարգաւորութիւնը :

Իսկ երկրորդ մասը կամ հասորը , որ *ընդարձակ պարզատնար* է եւ երեսուն վեց տարեգիրներու վրայ 36 հաստուածներու բաժնուած է , կը պարունակէ բոլոր տարժական տօներու կարգադրութիւնն ու ժամերգութեան կարգաւորութիւնը : Այս հասորին իւրաքանչիւր հաստուածը տարուան մը համար է , մինչ առաջին հասորը ամեն տարուան համար կը գործածուի :

Երկրորդ հասորը համառօտ ցանկի մը վերածուելով դրուած է Տօնացոյցին ամենէն վերջը՝ 532 տարիներու մեհնջեմաւոր շրջանը ներկայացնող աղիւսակէն անմիջապէս ետք :

Տօնացոյցի երկու հասորներուն մէջ ալ տեղ տեղ ծանօթութիւններ տրուած են , որ իրարու կը դրկեն Տօնացոյց գործածողը :

Տօնացոյցի տարեկան գործածութիւնը դիւրացնելու համար մտածուած է *Օրացոյցի* պատրաստութիւնը :

Օրացոյցը կը բաղկանայ Տօնացոյցէ , Հարցնացոյցէ կամ Շարականացոյցէ եւ բուն Օրացոյցէ :

Գալով մեր այս *Ժողովուրդի Տօնացոյցին* , ինչպէս խորագրէն իսկ կը գուշակուի , Տօնացոյցը պարզելու , լաւ եւս , Տօնացոյցին ամենէն գլխաւոր կէտերը ժողովրդականացնելու մտով պատրաստուած է : Այս նպատակի դիմուած ասեմ անօգուտ չհամարեցինք համառօտակի բացատրութիւններ ալ տալ Տօներու , Տօնական մեծ օրերու , պաքի , ուտիքի եւայլն , մասին :

Ասի մեծ գործ մը չէ՛ , պարզ գործ մըն է : Ինչ ինչ մասերը՝ իբր Յաւելուած • գրուած եր երկու տարի յաւաջ՝ Ընդարձակ Օրացոյցի համար : Բայց շատ քիչ ընդարձակ եկաւ ա՛յդ նպատակին ծառայելու : Հետեւաբար յարմար դասուեցաւ օգտակար գիտելիքներով նոյնացնելէ յետոյ առանձինն հրատարակել :



# ԺՈՂՈՎՈՒՐԴԻՆ ՏՕՆԱՑՈՅՑԸ



## Տ Օ Ն Ե Ր

Ա.

Տօն ըսելով կը հասկնանք ա՛յն հոգեւոր հանդէսները , որոնցմով Եկեղեցին կը փառաւորէ Յիսուս Քրիստոսի և իւր նշանաւոր դէմքերուն յիշատակը և իւր հռչակաւոր դէպքերը :

Տօները երկու որոշ բաժանում ունին Եկեղեցւոյ մէջ : Առաջին բաժանումը կ'ըսուի Տէրունի (տօներ) , երկրորդը՝ Մարտիրոսաց (տօներ) :

Տէրունիները (Փարպեցիի բացատրութեամբ՝ « Տօնք Փրկչին ») ի սկզբան՝ միայն Տեառն մերոյ Յիսուսի Քրիստոսի տնօրինական յիշատակներուն յատկացուած էին , բայց յետոյ Տէրունիներու կարգ մտան ա՛յն տօներն ալ , որոնց յիշատակը ուղղակի կապուած էր Տեառն մերոյ Քրիստոսի հետ . զոր օր. Խաչի , Եկեղեցւոյ , Աստուածածնի տօները :

Մարտիրոսաց տօները (Փարպեցիի բացատրութեամբ « Ժողովմունք յիշատակաց սրբոց » կամ պարզապէս « Ժո-



դովք Մարտիրոսաց») յատկացուած են Սրբոց յիշատակները տօնելու : — «Ժողովք Մարտիրոսաց» կոչումը նշանակելի է . որովհետեւ սրբոց տօները ծագումով տեղական են . այսինքն՝ իւրաքանչիւր Սուրբին տօնը կամ յիշատակը իրենց գերեզմանին վրայ շինուած վկայարաններու մէջ կը կատարուէր : — Ասկից ծագում առած է ուխտի երթալու սովորութիւնը :

Եկեղեցւոյ համար Տէրունի տօներ բոլորովին Կիրակի են . այսինքն՝ այդ օրերը Սուրբ են , օր արգոյ ( = գործի օր) չեն :

Մարտիրոսաց տօները բոլորովին կիրակի չեն : Ասոնց շատ քիչ մասը Կիրակի եղած է :

Այն օրեր , որ կիրակի չեն , եկեղեցական բացատրութեամբ կ'ըսուին յուր օր :

Եկեղեցւոյ մէջ շատ դիւրին է ճանչնալ այս օրերը , որք Կիրակի են Տէրունի տօներու կամ յիշատակներու պատճառաւ : Այդպիսի օրեր իրիկուն առօր « Խնդրեացուք հաւատով » կ'ըսուի<sup>(1)</sup> , Աւետարան կը բարձրացուի , « Կեցո՛՛ Տէր : — Տէր ողորմեա՛ , Տէր ողորմեա՛ , Տէր ողորմեա՛ » կ'ըսուի հանդիսաւորապէս : — Մարտիրոսաց յիշատակին սուրբ պահուած օրեր « Կեցո՛՛ » չըսուիր :

Տէրունի տօներու նպատակն է Տեառն մերոյ Քրիստոսի կեանքն ու յիշատակները կենդանի պահել հաւատացեալներու սրտին մէջ , և անոր սիրով վառել Եկեղեցւոյ լրութիւնը :

---

(1) Ըստ պատշաճի « Խնդրեացուք »-ը կը փոխուի , բայց « Կեցո՛՛ Տէր »-ը անփոփոխ է :

Մարտիրոսաց տօներու նպատակն է յանուանէ փառաւորել և յաւէրժացնել տօնելի և յիշատակելի անձնաւորութիւններու Եկեղեցւոյ համար ըրած ծառայութիւնները : Եկեղեցին յարմար դատած է Մարտիրոսաց կենդանի օրինակներով ալ կրօնական զգացումը , հոգեւոր կեանքը ցուցնել և զգացնել հաւատացեալներուն :

### Բ.

Տօները տարեկան յիշատակներ կամ տարեդարձներ են :

Դիտելու է , սակայն , որ այդ տարեդարձները պատմական և ժամանակագրական ճշդութեամբ կարելի չէ՛ կատարել : Այսինքն է՝ այս ինչ տարւոյն այս ինչ ամսուն այս ինչ օրը հաստատուած տօն մը , երբեք կարելի չէ՛ եղած կատարել ուրիշ տարուան նոյն ամսուն նոյն օրը :

Այս ժամանակագրական խոտորումի առաջին և հիմնական պատճառն է արեւու և լուսնի իրենց շրջանին մէջ յառաջ բերած տարբերութիւնը , որ դարերու ընթացքին մէջ տասնեակ օրերու թիւ մը կրնայ արտադրել : — Ծանօթ է Արեւմուտքի և Արեւելքի գործածած տօմարներուն 12 օրուան մեծ տարբերութիւնը :

Երկրորդ պատճառ մ'ալ այն է որ , Եկեղեցին սկիզբէն ի վեր ընդունած է կարգ մը տօներ կիրակի օրերու մէջ տօնել , առանց նայելու այդ տօներու հաստատութեան բուն օրերուն , զոր օր. Վարդապետի , Աստուածածնի , Խաչի տօներ :

Տօները ճշդիւ իրենց հաստատութեան ժամանակին տօնելու դժուարութիւնը , որ սկիզբէն շատ զբաղեցուց

նախնիքը, միանգամ ընդ միշտ հարթուած է Տոմարի և Տօնացոյցի կարգադրութեամբ :

Տօմարի և Տօնացոյցի հաշիւներով և կարգադրութեամբ տօները տեղաւորուած են տարուան օրերուն մէջ , առանց նայելու պատմական և ժամանակագրական ճշդութեան :

Տէրունի տօներու տարեդարձի համար հիմ բռնուած են Եկեղեցւոյ սկիզբէն ի վեր ընդունած աւանդական հաշիւները :

Մարտիրոսաց Տօները գետեղելու համար կարելի չէ՝ եղած գէթ Տէրունիներու չափ ճշդութիւն պահել . այլ՝ ինչ որ նախնիք աւանդաբար կարգադրած են , առոր միայն կարելի եղած ուշադրութիւնը նուիրուած է :

#### Գ.

Ինչպէս որ ըսինք , թէև տօներ պատմական և ժամանակագրական ճշդութեամբ չեն տարեդարձուիր , բայց Տօմարի և Տօնացոյցի հաշիւներով , ատոնց մէկ մասին (այսինքն Տէրունիներուն) հաստատուն օրեր և ամսաթիւեր որոշուած են : — Ասոնք են անշարժ ըսուած տօները : Միւս տօներ , որ այդ կերպով որոշուած հաստատուն օր և ամսաթիւ չունին , կ'ըսուին Շարժական կամ Շարժուն տօներ :

Շարժական տօներ Զատիկի կապուած են . այսինքն՝ Զատիկը քանի օրերու մէջ ետ և յառաջ որ շարժի կամ տեղափոխուի , շարժական տօներն ալ Զատիկէն յառաջ կամ յետոյ կը շարժին կամ կը տեղափոխուին :

Ահա անւարժ բօներու ցուցակը

1. Եունուար 5 Ճրագալոյց Ծննդեան և Աստուածա-  
յայտութեան Բրիստոսի :
2. Եունուար 6 Ծնունդ և Աստուածայայտութիւն  
Բրիստոսի :
3. Եունուար 7, 8, 9, 10, 11, 12 օրեր Ծննդեան և  
Աստուածայայտութեան :
4. Եունուար 13 Անուանակոչութիւն Բրիստոսի :
5. Փետրուար 14 Տեառնընդառաջ (Տէրընտա) :
6. Ապրիլ 7 Աւետումն (Ս. Աստուածածնի)
7. Սեպտեմբեր 8 Ծնունդ Աստուածածնի ի յԱննայէ :
8. Նոյեմբեր 21 Ընծայումն Ս. Աստուածածնի ի տա-  
ճարն :
9. Դեկտեմբեր 9 Յղութիւն Ս. Աստուածածնի ի յԱննայէ :

Տեսակ մը անշարժ խումբ կարելի է համարել նաև Բուն Բարեկենդանէն, նոյն իսկ Առաջաւորքէն մինչև Վարդաւառ գրաւող ժամանակամիջոցը, ո՛չ անոր համար որ այդ ժամանակամիջոցին պաքերը, Տէրունիներն ու Մարտիրոսացը որոշ օրերով և ամսաթիւերով հաստատուած են, ա՛յլ որովհետև այդ ժամանակամիջոցը երբեք չի փոխուիր ետեառաջութեամբ :

Մասնաւորապէս դիտելու է որ Բուն Բարեկենդանը կանխող երկու շաբաթներու նշանաւոր և ծանօթ տօները ճիշդ Տօնացոյցի մէջ նշանակուած որոշ օրերուն մէջ կը տօնուին, բնաւ չեն փոխուիր :



ՄԱՍՆԱԻՈՐ ԳԻՏԵԼԻՔ ԱՍՏՈՒԱԾԱԾՆԻ, ԽԱՅԻ ՏՕՆԵՐՈՒՆ  
ԵՒ ՅԻՍՆԱԿԱՅ ԲԱՐԵԿԵՆԴԱՆԻ ՎՐԱՅ

Այս երեք նշանաւոր օրեր թէ՛ անշարժ են և թէ՛  
շարժական :

Անշարժ են , որովհետեւ տօնուելու համար յատուկ  
օրեր ունին :

Շարժական են , որովհետեւ այդ յատուկ օրեր  
ամէն տարի նոյն ճշդութեամբ չեն տարեգարձուիր :

Զոր օր. Ս. Աստուածածնի Վերափոխումը անշարժ  
կերպով Օգոստոս 15ին պէտք է տօնուի . բայց որովհե-  
տեւ յատկապէս կիրակի պէտք է ըլլայ տօնի օրը , և  
Օգոստոս 15ը կարելի չէ որ ամէն տարի կիրակի հան-  
դիպի , այս պատճառաւ Օգոստոս 15էն կամ երեք օր  
յառաջ կամ երեք օր յետոյ կը շարժի , այսինքն՝ Օգոս-  
տոս 12—18 եօթը օրերու միջոցին , և այս 7 օրերուն  
մէջ հանդիպող կիրակին կը տօնուի :

Ս. Խաչի վերացման տօնի բուն օրն է Սեպտեմբերի  
14ը . բայց որովհետեւ կիրակիին պէտք է տօնուի  
միեւնոյն կերպով Սեպտեմբեր 14էն կամ երեք օր յա-  
ռաջ կամ երեք օր յետոյ , այսինքն՝ Սեպտեմբեր 11—17,  
եօթը օրերուն մէջ հանդիպող կիրակիին կը տօնուի :

Թիսնակաց բարեկենդանի օրն ալ Նոյեմբերի 18ը  
որոշուած է , որովհետեւ Նոյեմբեր 18էն մինչեւ Յուն-  
վար 6 ճիշդ յիսուն օր (Թիսնակ) է : Բայց որովհետեւ  
Թիսնակը շաբաթպահճ ունի , որուն բարեկենդանը ան-  
պատճառ կիրակի պէտք է ըլլայ , դարձեալ Նոյեմբեր

18էն կամ երեք օր յառաջ կամ երեք օր յետոյ, այսինքն՝ նոյեմբեր 15—21, եօթը օրերուն մէջ հանդիպող կիրակին բարեկենդան կ'ըլլայ :

Ե.

#### ՇԱՐԺԱԿԱՆ ՏՕՆԵՐ

Ըսինք թէ Շարժական տօներ Զատիկի հետ կապուած են, կը հետեւի ուրեմն որ Զատիկն է որ կը շարժի կամ կը տեղափոխուի :

Զատիկը ծագումով հրէական տօն մըն է պատեմանունով : Հրեայք իրենց պատեքը կը տօնէին Նիսանի (Ապրիլ) 14ին Լուսնի լրման ժամանակ :

Եւ որովհետեւ Քրիստոսի Յարութիւնը ճիշդ այդ ամսուն, այսինքն՝ գարնանային գիշերահաւասարին (մարտ 21) յաջորդող կիրակիին պատահեցաւ, չփոթ մը յառաջ եկաւ այս երկու տօներու մերձաւորութենէն : Եւ խնդիր եղաւ թէ Զատիկը Ապրիլ (= Նիսան) 14—15ին տօնելու էր թէ կիրակի օրը :

Այս չփոթին առաջքը առաւ Նիկիոյ Տիեզերական Ս. Ժողովը (325) և սահմանեց որ քրիստոնէական եկեղեցին Զատիկը պէտք է կատարէ գարնանային գիշերահաւասարի (= Մարտ 21), այսինքն՝ Մարտ ամսու լուսնի լրումէն անմիջապէս յետոյ եկող կիրակիին :

Եթէ Մարտ ամսու լուսնին լրումը Մարտի 21էն յառաջ պատահի, ա՛յն ատեն Զատիկը պէտք է տօնել Ապրիլ ամսու լուսնի լրումէն անմիջապէս յետոյ եկող կիրակին :

Իսկ թէ՛ Մարտ ամսու և թէ՛ Ապրիլ ամսու լուսիններուն լրումը պատահի կամ ուրբաթ , կամ շաբաթ և կիրակի օրերուն , Զատիկը պէտք է տօնել ճիշդ հետեւեալ կիրակին :

Այդ կանոնէն կը հետեւի ուրեմն թէ Զատիկը անպատճառ կիրակի օր մը պէտք է տօնուի , և թէ այդ կիրակին պէտք է ըլլայ Մարտի կամ Ապրիլի լուսիններու լրումին անմիջապէս յաջորդող կիրակիներէն մէկը :

Արդ՝ Մարտի լուսինը կը ծնի Մարտ 8ին , և կը լրանայ Մարտ 21ին : — Այս լրումը կը կոչուի «Աւագ րումն լուսնի» :

Իսկ Ապրիլի լուսինը կը ծնի Ապրիլ 5ին , և կը լրանայ Ապրիլ 18ին , որուն անմիջապէս յաջորդող կիրակին Ապրիլ 25ը չկրնար անցնիլ :

Ուրեմն Զատիկը կը տօնուի Մարտ 22էն մինչեւ Ապրիլ 25 . երեսուն հինգ օրերու մէջ հանդիպող կիրակիներէն մէկուն <sup>(1)</sup> :

Ուրիշ խօսքով՝ Զատիկը 35 օրերու մէջ կը շարժի , և իրեն հետ կը շարժին ա՛յն տօներն ալ , որոնք շարժական կ'ըսուին :

Ահա շարժական տօներու ցուցակը :

1. Ծնունդի և Աստուածայայտնութեան յաջորդող Ապայից օրերը , թուով 11 հատ :

Ծառօք. — Այս տօները ԱՊԱՅԻՑ ըսուած են , որովհետեւ Տօնացոյցին մէջ Ծննդեան Ութօրէքէն անմիջա-

---

(1) Զատիկը և ուրիշ նշանաւոր տօներուն օրը գտնելու համար Տե՛ս «Տարեգրով Զատիկը գտնել» և «Տարեգրով օրեր գտնել» զուխները :

պէս ետքը՝ «ՆԱԽ» Յովհաննու Կարապետին ծնունդը կը տօնուի և «ԱՊԱ» (— ետքը) կ'սկսին կարգ մը սուրբերու տօներ . զոր օր. «Ապա սրբոցն Պետրոսի հայրապետի» եւլն . :

2. Վարդավառէն մինչեւ Աստուածածին (Վերափութում) երկարող շաբաթներու տօները :

3. Եթէ Աստուածածնէն ինչ եղած երեք շաբաթները երկարին և Դրդ. և Երդ. շաբաթներ ալ պէտք ըլլան , այս վերջին երկու շաբաթներու տօները :

Շարժական տօներու օրն ու տեղը Տօնացոյցի երկրորդ հատորն է որ կը նշանակէ :

## 2.

Տօները , ըլլայ Տէրունի , ըլլայ Մարտիրոսաց , սկըզբամբ ուրախութեան օրեր են եկեղեցիի համար և ընդհանրապէս կը տօնուին ուտիք օրերը :

Բայց կան տօներ , որ պահոց օրերու մէջ ալ կը տօնուին :

Ահա՛ այդ տօներու ցուցակը .

1. Ս. Բարսեղ Հայրապետի և ասոր հետ կապուած Սուրբերու տօնը՝ որ կը տօնուի Մինդեան պահոց շաբաթ օրը :

2. Յովնան Մարգարէի և Նինուէացոյ յիշատակը , Առաջաւորաց ուրբաթ օրը :

3. Մեծ Պահոց բոլոր շաբաթները Սրբոց նուիրուած են :

Ա. Շք. տօն է Սրբոյն Թէոդորոսի Զօրավարին :



Բ. ՇՐ. տօն է Սրբոյն Կիւրղի Երուսաղեմայ հայ-  
րապետին և միւս Կիւրղի Եպիսկոպոսին և մօրն նորա  
Աննայի :

Գ. ՇՐ. տօն է Սրբոյն Յովհաննու Երուսաղեմայ  
Հայրապետին և Սրբոց Հայրապետացն մերոց Յովհաննու  
Օձնեցւոյն , Յովհաննու Որոտնեցւոյն և Գրիգորի Տա-  
թեւազւոյն :

Դ. ՇՐ. տօն է Սրբոց Մանկանց Բառասնից , որք ի  
Սեբաստիա կատարեցան :

Ե. ՇՐ. տօն է Սրբոյն Գրիգորի Լուսաւորչին մերոյ  
սոսկալի Չարչարանացն և Մտին ի Վիրապն :

Զ. ՇՐ. Յիշատակ է Ղաղարու Յարութեան :

4. Ամբողջ Աւագ չարաթը Տնօրինական յիշատակ-  
ներու նուիրուած է (Աւագ Հինգչարթի կիրակի է) :

5. Ս. Հոգւոյն գալստեան յիշատակին նուիրուած է  
Եղիական պահոց օրերն , ըստ կարգադրութեան Շնոր-  
հալի Հայրապետին :

6. Սրբոց տօներ կը կատարուին Լուսաւորչի պա-  
հոց ԲՇ. ԳՇ. և ԵՇ. օրերը :

7. Սրբոց տօներ կը կատարուին Վարազայ Խաչի  
պահոց ԲՇ. ԳՇ. ԵՇ. և ՇԲ. օրերը :

8. Սրբոց տօներ կը կատարուին Ս. Յակոբի պահոց  
օրերը :

#### Պ Ա Ն Ք

Եկեղեցին միշտ չտօնէր : Ապաշխարութեան յատ-  
կացեալ օրեր ալ ունի , որք տարուան կէսին կը հաւա-  
սարին :

Եկեղեցին՝ ապաշխարութեան օրերուն մէջ տօնի  
օրերու յատուկ ժամերգութենէն ըղորովին տարբեր

ժամերգութիւն կ'ընէ : Այդպիսի օրերու ընթերցուած-  
ներն , երգերն ու շարականները զղջում կը ներշնչեն  
և եկեղեցին ամենէն վսեմ զգացողի մը հոգեկան ցա-  
ւերը կ'արտայայտէ :

Եւ որպէս զի ապաշխարութեան օրերը զգալի ըլ-  
լան հաւատացեալներու վրայ ալ՝ եկեղեցին պահք  
(տեսակ մը զրկանք) սահմանած է . այսինքն՝ հաւա-  
տացեալները այս ինչ բաները միայն պիտի ուտեն այդ  
օրերուն մէջ :

Պահքը՝ ուտելիքի տեսակէտով երկու խումբի կը  
վերածուի . Առաջին բուն պահքի օրեր , յորում ներելի  
չէ ուտել մսեղէն , հաւեղէն , ձկնեղէն , կթեղէն (բաց ի  
մեղրէն) և ինչ որ ուտելի կենդանիներէն կը հայթայ-  
թուի իբր մսունդ :

Երկրորդ . նաւակատիք ըստած օրերը , յորս նե-  
րելի է ուտել կթեղէն , ձկնեղէն բաներ :

Նաւակասիի օրերը շատ քիչ են , այսինքն՝ հինգ  
տաղաւարներու շաբաթապահոց շաբաթ օրերը :

Պահքերն ժամանակի տեւողութեան տեսակէտով  
դարձեալ երեք խումբի կը վերածուին : Ա. շաբթուան  
երկու օր պահքերը (Դշ. և Ուր.) որոնց կրնանք օրա-  
պահք ըսել :

Երրորդ . Մեծպահք :

Օրապահքերը ամենէն հին և ամենէն որոշ պահքի  
օրերն են : Հրեայք (Փարիսեցի) ալ կը պահէին (ծով) «եր-  
կիցս ի շաբաթու» (Ղուկ. ԺԸ. 12) այսինքն՝ շաբթու-  
մէջ երկու օր և այդ օրերն էին Բշ. և Եշ. :

Շատ կանուխ ժամանակէն քրիստոնեայք Դշ. և

Ուր-ի փոխեցին զայն (Կանոնագիրք վարդ. Առաքելոց Գ. և Դ.) : Դշին «զի ի նմա գուշակեաց և յայտնեաց Տէրն կենարար զխորհուրդ չարչարանաց իւրոյ» եւայլն. և Ուրն «վասն զի զոր ինչ ասացաւն յաւուր չորեք շաբթուոյն վասն չարչարանաց մերոյ՝ յուրաթուն կատարեցաւ »:

Շաբաթապահերը , ծագումով չորս հատ էին . իւրաքանչիւր եղանակի առաջին շաբաթը պահք էր :

Այս եղանակի շաբաթապահերը գեո կան :

Գարնանը (Մարտ ամիս) Մեծպահոց մէջ կ'իյնայ :

Ամռանը (Յունիս ամիս) Ս. Լուսաւորչի շաբաթապահքն է <sup>(1)</sup> :

Աշնանը (Սեպտ. ամիս) Վարազայ Խաչի շաբաթապահքն է :

Զմռանը (Դեկտ. ամիս) Ս. Յակոբի Շաբաթապահքն է :

Բայց հետզհետէ նշանաւոր տօներու հոգեւորապէս պատրաստուելու սկզբունքով շատցան շաբաթապահերը (Ներսէս Բ.ի ատեն) : Այժմ մեր եկեղեցին ունի ինը շաբաթապահք , 1. Մննդեան , 2. Առաջաւորաց , 3. Նղիական , 4. Լուսաւորչի , 5. Վարդավառի , 6. Խաչվերացի , 7. Վարազայ Խաչի , 8. Յիմնակաց , 9. Ս. Յակոբայ :

Մեծպահքն ալ ծագումով մէկ և երկու օր եղած է . յետոյ աւելցած է 7 շաբաթներու շարքը : Քանի որ Քրիստոսի քառասնօրեայ ծովապահութեան հետեւութիւն մըն է Մեծպահքը՝ շատ կանուխ ժամանակէն (Դրդ. դար) 40 օրի լրացուած կը գտնենք : Թէեւ այժմ

---

(1) Ստեփաննոս Գոյնբերիցանց յայտնապէս կը յիշատակէ զհինգ Բարեկենդան ամսուն ազոհացից» ինչպէս որ պիտի տեսնենք :

ալ Բրիտտոսի քառասնօրեայ ծոմապահութեան յիշատակը հաստատուն կը բռնենք՝ բայց իրապէս 47 օր կը պահենք և 48րդ օրն ալ (ճրագալոյց Զատկի) Նաւակատիք կ'ընենք ,

Այս մասին դարձեալ պիտի խօսինք :

## Ո Ւ Տ Ի Ք

### Ա.

Զատկի Մարտ 22 էն մինչև Ապրիլ 25 , երեսուն հինգ օրերու մէջ , չարժման համեմատ կ'երկարին կամ կը կարճնան ա'յն ժամանակամիջոցներ , որք ուտիքի յատկացուած են և կ'ըսուին « Միջոց ուտիք աւուրք » : — Պարզատոմարի աղիւսակին ( որ Տօնացոյցներու ամենէն վերջը կը դրուի ) վրայ ուշադիր նայուածք մը բաւական է , տեսնելու համար թէ ,

Ա. Աստուածայայտնութենէն մինչև Առաջաւորաց Բարեկենդանը , ամենէն կարճը 6 օր կ'ըլլայ , ամենէն երկարը 41 օր :

Բ. Վարդաւառէն մինչև Աստուածածին , ամենէն կարճը 2 չաբաթ կ'ըլլայ և ամենէն երկարը 7 չաբաթ որոնցմէ մին չաբաթապահ է :

Դ. Աստուածածինէն մինչև Ս. Խաչ , կ'ըլլայ 4 կամ 5 չաբաթ , որոնցմէ մին չաբաթապահ է :

Դ. Վարագայ Խաչէն (կամ Ս. Գէորգայ Բարեկենդանէն) մինչև Յիսնակաց Բարեկենդանը կ'ըլլայ 7 կամ 8 չաբաթ :

Ե. Ս. Յակոբի Բարեկենդանէն մինչև Աստուածայայտնութեան պահքը ամենէն կարճը 12 օր կ'ըլլայ , իսկ ամենէն երկարը 18 օր :

Բ.

Հաստատապէս ուտիք են նաեւ սա միջոցները .

Ա. Առաջաւորաց կամ Ս. Սարգսի յաջորդող 2 շաբաթները :

Բ. Յինունքը . այսինքն՝ Ջատկէն մինչև Հոգե-  
գալուստ եղած յիսուն օրուան միջոցը :

Գ. Հոգեգալուստին կամ Եղիական պահոց յաջոր-  
դող 2 շաբաթները :

Դ. Ս. Լուսաւորչի (Գիւտ նշխարաց) տօնին յաջոր-  
դող 2 շաբաթները :

Ե. Ս. Խաչի (Վերացման) տօնին յաջորդող 1 շա-  
բաթը :

Զ. Յիսնակի պահոց յաջորդող 2 շաբաթները ,  
մինչև Ս. Յակոբ :

Այս բոլոր շարժական և անշարժ միջոցները , ըլլայ  
պահք , ըլլայ ուտիք , երբ նկատի առնենք , կը տես-  
նենք որ տարուան կէսը պահք է և կէսը ուտիք : Ան-  
շուշտ դիտելու է որ միշտ 365 կամ 366 օրերու ճիշդ  
կէսը կարելի չէ՝ իմանալ . որովհետեւ կրնայ կէսէն աւելի  
կամ պակաս ըլլալ , Ջատկի շարժման երեսուն հինգ օրե-  
րու վրայ :

#### ՈՒԹԸ ԶԱՅՆԵՐ

Հայ. Եկեղեցւոյ ժամասացութիւնն ու երգեցողու-  
թիւնը յատուկ կարգադրութեան մը համաձայն կը կա-  
տարուին :

Այս կարգադրութեան հիմն է փոխի ձեւով կամ

դաս առ դաս կարդալ ամէն տեսակ ընթերցուածները ,  
և երգել Սաղմոսներն ու Շարականները :

Բայց թէ եկեղեցւոյ մէջ ո՛վ կամ որո՞նք ինչ պիտի  
կարդան և ի՞նչպէս պիտի երգեն , այս ամենը վաղ ժա-  
մանակէն , որոշուած և կարգադրուած է Ութը Ձայնե-  
րու վրայ :

Ութը Ձայներ սապէս համառօտուած են :

- |                      |                      |
|----------------------|----------------------|
| 1. ԱԶ = Առաջին Ձայն  | 5. ԴԶ = Երկրորդ Ձայն |
| 2. ԱԿ = Առաջին Կողմ  | 6. ԴԿ = Վառ Ձայն     |
| 3. ԲԶ = Երկրորդ Ձայն | 7. ԴԶ = Զորրորդ Ձայն |
| 4. ԲԿ = Աւագ Կողմ    | 8. ԴԿ = Վերջ Ձայն    |

Ինչպէս կը տեսնուի ա՛յս պատկերին մէջ , Ութը  
Ձայներուն 4ը Ձայն է , 4ն ալ Կողմ : Զորս Ձայները  
Բռն Ձայներ կ'ըսուին :

Ութը Ձայներ մեր եկեղեցական երաժշտութեան  
բուն բանալիներն են : Եկեղեցական բոլոր երաժշտու-  
թիւնը Ութը Ձայներու կամ խումբերու վերածուած է ,  
և իւրաքանչիւր Ձայն և Կողմ այդ խումբերէն կտոր մը  
երգելու համար որոշ եղանակ մը կը յիշեցնէ : Այսպէս՝  
Երբ ԱԶ ըսենք՝ կը հասկնանք խումբ մը շարական-  
ներ ու յատուկ եղանակ մը իրենց բոլոր դարձուածնե-  
րով կամ ստորաբաժանումներով . և այլն :

Ութը Ձայներու վրայ բաշխուած է եկեղեցւոյ ժա-  
մասացական կարգն ալ : Եւ այսօր ա՛յդ բաշխումի հա-  
մեմատ կը կարդացուին Սաղմոսներ , պահոց մաղթանք-  
ներ , Աւետարաններ , Քարոզներ , Աղօթքներ իրենց  
մաղթանքներով : Զոր օր. Եկեղեցին ամեն օր միեւնոյն  
Աւետարանիչէն չկարդար . այլ՝ Ութը Ձայներու համե-  
մատ , ինչ որ նշանակուած է՝ զայն կը կարդայ : Այսպէս

հասկնալու է միւս կարգացուելիքներու և երգուելիք-  
ներու համար ալ :

Սա պատկերելով կը ներկայացնենք ութը ճայներու  
կարգաւորութիւնը .

Ջայնք (ճայք)	Սաղմոսք (ճայք կանոնք)	Մաղքանք Պայնք	Աւետարանք	Քառագիւղ	Աղօթք	Մաղքանք ճիւղ	Մաղքանք ճիւղ
ԴԼ	— Երանելու	— Գլխաւոր և իւր	Մատթ.	Վանք	Տէր	Սաղմոսք իւր	Սաղմոսք իւր
ԴԵ	— Իրիւր	— Խառնակ	Մարկ.	Վանք	Տէր	Սաղմոսք իւր	Սաղմոսք իւր
ԱԶ	— Երկրի թիւ	— Տուր փառս.	Ղուկ	Վանք	Տէր	Սաղմոսք իւր	Սաղմոսք իւր
ՃԵ	— Տէր ամառ.	— Յոյս կենդ.	Յովհ.	Վանք	Տէր	Սաղմոսք իւր	Սաղմոսք իւր
ԱԿ	— Մի' նախ.	— Դու ես Տէր.		Վանք	Տէր	Սաղմոսք իւր	Սաղմոսք իւր
ԴԿ	— Խոստովան.	— Եկեացեն.		Վանք	Տէր	Սաղմոսք իւր	Սաղմոսք իւր
ԲԶ	— Ողորմեա'	— Բարձրացաւ.		Վանք	Տէր	Սաղմոսք իւր	Սաղմոսք իւր
ԴԶ	— Ի ներսում.	— Լիւր մեզ , Տէր .		Վանք	Տէր	Սաղմոսք իւր	Սաղմոսք իւր

Ո՛ր միայն կարգացուելիք նիւթերը ութը Ձայնե-  
րով որոշուած են այդպէս, այլ նաեւ եկեղեցիի մէջ ո՛ր  
դասը պիտի սկսի կամ պիտի կարդայ ա՛յս ինչ աղօթքը  
կամ շարականը, եւայլն, ութը Ձայներով որոշուած են :

Ձայներու կարգաւորութիւնը կ'սկսի Բռն քառ-  
կենդանէն . այդ օր Ձայնը ինչ ալ ըլլայ, պէտք է (ԴԿ) ի  
փոխել, որպէսզի Մեծպահոց առաջին օրը Աջ ու սկսի  
եւ Զատիկին ալ Ձայնը Աջ ըլլայ . — Այսպէս կը շարու-  
նակուի եւ ամեն Բռն քառկենդանին՝ դարձեալ ԴԿ  
(= Վերջ Ձայնի) կը փոխուի :

Գիտենք որ եկեղեցին երկու դաս ունի : Առաջինը  
կ'ըսուի Աջակողմեան դաս (Եկեղեցիին հիւսիսային  
կողմը, ուր Աւագան կայ,) եւ այդ դասի գլուխն է որ  
կը կանգնի Եկեղեցւոյն Առաջնորդը :

Երկրորդը կ'ըսուի՝ Զախակողմեան դաս . եկեղեց-  
ւոյն հարաւային կողմը :

Քանի որ ժամերդութիւնը դաս առ դաս կը կա-  
տարուի, ընական է որ եթէ մէկ տարի աջակողմեան  
դասը կը վարէ Ձայները եւ Զախակողմեան դասը՝ Կող-  
մերը, յաջորդ տարին հակառակը կը պատահի :

Արդ՝ եթէ Փրկչական թուականը ԴԱՐ (= զոյգ =  
չիփթ) է, այդ տարին Բռն Ձայները (Աջ, Բջ, Գջ,  
Դջ,) Աջակողմեան դասուն կ'իյնան, իսկ եթէ ԿՈՃԱՏ  
(= անզոյգ = քիֆ) է Փրկչական թուականը, Զախա-  
կողմեան Դասուն կ'իյնան Բռն Ձայները, եւ Աջա-  
կողմեանին կ'իյնան Կողմերը (ԱԿ, ԲԿ, ԳԿ, ԴԿ) :

Ո՛ր դասը որ օրուան ձայնին համեմատ կարգ կը  
վարէ, կ'ըսուի Աւագերիցու դաս, եւ միւսը կ'ըսուի  
Աշակերտի դաս, եւ ամեն օր երկու դասերէն մէկը փո-  
խադարձաբար Աւագերիցու կամ Աշակերտի դաս կ'ըլլայ :



Աւագերիցու դասէն քահանայն Աղօթքները կ'ըսէ ,  
իսկ Աշակերտի դասէն Սարկաւազը՝ Քարոզները կ'ըսէ  
կամ կ'երգէ էյնս :

Այսպէս ժամասացութեան և ժամերգութեան որոշ-  
եալ մի մասը Աւագերիցու դասը կը կատարէ , որոշ-  
եալ մի մասն ալ Աշակերտի դասը :

Այս կարգաւորութիւնը «Խրատք ժամատեղեաց ըստ  
Արեւելեան սահմանացն սկսուածոց և ասութեանց աղօ-  
թից» խորագրով կը դրուի ժամագիրքի սկիզբը , ուր  
տեղ Ձայն վարող դասը կոչուած է Ձայնի դաս (== Աւա-  
գերիցու դաս) իսկ աշակերտինը Կողման դաս :

Այդ խրատը ամիսի է . աւելի ընդարձակն ու ճշ-  
դուածը կը դրուի Ս. Էջմիածնի Տպարէն ելլող Օրացոյց-  
ներու վերջը , որուն մէկ օրինակը կը կցենք այս դրո-  
քին վերջը :

#### Ձ Ա Յ Ն Գ Ի Ի Տ

Տեսանք որ Մեծ Պահքի երկուշաբթին և Չատիկին  
Ձայնը միշտ Ա.Ձ է :

Արդ եթէ ուզէ ոք գիտնալ թէ այս ինչ օրուան  
Ձայնը ի՞նչ է , կամ Մեծ Պահոց ԲՇ Էն և կամ Չատիկէն  
մինչև այդ փնտռուած օրը գումարելու է օրերու թիւը  
և յետոյ գումարը բաժնելու է 8 ուլ (== Ձայներու թիւը) ,  
եթէ մնացորդը 1 է , փնտռածդ Ա.Ձ է , եթէ 2 , փըն-  
տըռածդ է Ա.Կ , և այլն : Իսկ եթէ մնացորդ չտայ՝ Դ.Կ  
է : Չոր օր. կ'ուզեմ գիտնալ թէ 1898 ի Մայիս 14 ին  
Ձայնը ի՞նչ էր : Արդ՝ գիտենք թէ այդ տարին Չատիկը  
Ապրիլ 5 ին էր : Ապրիլ 5 էն մինչև Մայիս 14 եղած  
օրերու գումարն է 40 , զոր բաժնելով 8 ուլ՝ մնացորդ

չտար . փնտուռած Ձայնն է ուրեմն ԴԿ : Դարձեալ, Սեպտեմբեր 13 ին ի՞նչ է Ձայնը . — Ապրիլ 5 (Ջատիկ) էն մինչեւ Սեպտ. 13 օրերու գումարն է 162 , զոր 8 ով բաժնելով 2 մնացորդ կուտայ , որ է ԱԿ :

Ձայները գտնելու համար աղիւսակ մ'ալ կայ զոր չիներ է Հեթումի քարտուղարը :

Ա Մ Ի Ս Ք	Տ Ա Ր Ե Գ Ի Ր Ք							
	Ա	Բ	Գ	Դ	Ե	Ջ	Է	Ը
	Թ	Ժ	Ի	Լ	Խ	Ծ	Կ	Հ
	Ձ	Ղ	Ճ	Մ	Յ	Ն	Շ	Ո
	Չ	Պ	Ջ	Ռ	Ս	Վ	Ս	Բ
	Ց	Ի	Փ					
Փետրվար . . . . .	7	6	5	4	3	2	1	8
Մարտ . . . . .	3	2	1	8	7	6	5	4
Ապրիլ . . . . .	2	1	8	7	6	5	4	3
Մայիս . . . . .	8	7	6	5	4	3	2	1
Յունիս . . . . .	7	6	5	4	3	2	1	8
Յուլիս . . . . .	5	4	3	2	1	8	7	6
Օգոստոս . . . . .	4	3	2	1	8	7	6	5
Սեպտեմբեր . . . . .	3	2	1	8	7	6	5	4
Հոկտեմբեր . . . . .	1	8	7	6	5	4	3	2
Նոյեմբեր . . . . .	8	7	6	5	4	3	2	1
Դեկտեմբեր . . . . .	6	5	4	3	2	1	8	7
Յունվար . . . . .	5	4	3	2	1	8	7	6
Փետրվար . . . . .	4	3	2	1	8	7	6	5

Աղիւսակիս գործածութեան ելանակը. — Տարեգրի  
Տուփը գտի՛ր , ա՛յդ ուղղութեամբ իջի՛ր մինչև այն ամ-  
սուն դիմացը գտնուող թիւին վրայ , որուն այս ինչ օր-  
ուան Ձայնը կ'ուզես գտնել . աւելցո՛ւր այդ թիւին  
վրայ փնտռածդ օրուան ամսաթիւը և գումարը բաժնէ  
Ցով , մնացորդը եթէ 1 է՝ Ձայնն է Ա.Ձ , եթէ 2՝ Ձայնն  
է Ա.Կ , եայլն :

Ձոր օր. կ'ուզեմ գիտնալ թէ 1898ի Դեկտեմբեր 6ի  
Ձայնը ի՞նչ էր : Այդ տարուան տարեգիրն է Կ :

Աղիւսակին մէջ կը գտնեմ Կ Տարեգիրին տուփը ,  
և այդ ուղղութեամբ կ'իջնեմ՝ մինչև Դեկտեմբերի դի-  
մացը գտնուած թիւը , որ է 8 . կ'աւելցնեմ 8ի վրայ  
Դեկտ. 6 ամսաթիւը , և կ'ուեննամ 14 . կը բաժնեմ Ցով  
և մնացորդ կուտայ 6 , որ է Գ.Կ :

Միայն դիտելու է որ աղիւսակիս մէջ Փետրվար  
ամիսը կրկնուած է . և թէ Յունվարը ցուցակին վերջը  
դրուած է Փետրվարէն յառաջ : Ասոր պատճառը սա է .  
որովհետև Ձայնը՝ Բուն Բարեկենդանին ինչ ալ ըլլայ  
փոխուելով Դ.Կ ի կը վերածուի . և ասկէ զատ Ձայնը  
փոխուած ատեն Տարին ու Տարեգիրն ալ միասին չեն  
փոխուիր , այլ արդէն փոխուած կ'ըլլան տարուան սկիզ-  
բէն , և որովհետև Ձայնգիրտը Տարեգիրն կապուած է ,  
աղիւսակիս շինուածքն ալ այս հաշուի վրայ եղած է .  
հետեւաբար Ձայն Գիւտ ընելու ատեն մինչև բուն Բա-  
րեկենդան՝ հին , այսինքն՝ նախորդ տարուան Տարեգիրը  
գործածելու է , և Բուն Բարեկենդանէն յետոյ ա՛յն Տա-  
րեգիրը , որուն տարին մէջ կը գտնուի :

#### ՀԱՐՍԱՆԻՔԻ ՕՐԵՐ

Եկեղեցին ամեն օր պսակի (ամուսնութեան) խոր-  
հուրդը չկատարեր :

Պահքի բոլոր օրերուն (օրապահք, շաբաթապահք, Մեծպահք) հարսնիք չըլլար :

Տէրունի տօներու ընթացքին մէջ ալ չըլլար հարսնիք : Մնացած հարսնիքի օրերն ալ սապէս կ'բաժնուին :

1. Առաջին շաբաթ<sup>(1)</sup> զկնի Հոգեգալստեան : — Առաջին պնակ կամ Առջի պնակ ըստածն է այս :

2. Հոգեգալստենէն մինչեւ Վարդավառ եղած շաբաթներ<sup>(1)</sup> :

3. Վարդավառի յաջորդող շաբաթներ<sup>(1)</sup> մինչեւ Աստուածածին :

4. Աստուածածնէն մինչեւ Խաչ յաջորդող շաբաթներ<sup>(1)</sup> :

5. Խաչի յաջորդող շաբաթներ<sup>(1)</sup> մինչեւ Յիսնակ :

6. Յիսնակաց Եօթը շաբաթները :

7. Ծննդեան ութօրէից յաջորդող շաբաթներ<sup>(1)</sup> մինչեւ Առաջաւորաց բարեկենդան :

8. Առաջաւորաց յաջորդող շաբաթներ<sup>(1)</sup> մինչեւ Բուն Բարեկենդան :

Այս միջոցները շարժական ըլլալուն կարելի չէ՝ հաստատապէս դժել հարսնիքի Շաբաթներու կամ Եօթնեակներու թիւը : — Օրացոյցը կը նշանակէ Կիրակիներն «ՀԱՐՍԱՆԻՔ» բառով :

#### ԵԿԵՂԵՑԱԿԱՆ ՕՐԵՐՈՒ ՍԿՍՈՒԱԾԸ

Ըստ Արեւելեան սովորութեան, եկեղեցին օրուան 24 ժամերը կը հաշուէ արեւի մարը մտնելէն մինչեւ յաջորդ օրուան արեւի մուտքը :

Տաճկաց եւ Հրէից օրերն ալ այսպէս են . հինգշաբթի օրը երբ միջնայ կ'սկսի ուրբաքը եւ կը տեւէ 24 ժամ . նմանապէս երբ ուրբաթ օրը միջնայ կ'սկսի

---

(1) Ինքնին կը հասկցուի որ ա՛յդ միջոցներուն պատահող շաբաթապահքերուն և Բարեկենդաններուն ալ հարսնիք չըլլար :

շաբաթը եւ կը տեւէ 24 ժամ, եւ երբ շաբաթը մթննայ  
կիրաւումս կ'ըլլայ. այսինքն՝ կիրակին կը մտնենք եւ առ  
ալ կը տեւէ 24 ժամ: Օրերու տեւողութիւնը, ըլլայ  
կարճ, ըլլայ երկար, 12 ժամ կը ընտուի:

Ինչպէս մենք կիրակամուտ կ'ըսենք, կրնանք նաեւ  
ըսել Ուրբաթամուտ՝ Տաճկաց վերաբերութեամբ, եւ  
Շաբաթամուտ՝ Հրէից վերաբերութեամբ:

Ուրեմն եկեղեցիի օրերը կ'սկսին երեկոյին, եւ  
ճիշդ այս է պատճառն որ Շաբաթ երեկոյները Կի-  
րակամութեան կամ Կիրամութեան կ'ըսուին: Եւ իրաւի, տէրու-  
նական օրը կ'սկսի Շաբաթ երեկոյները «Կեցո՛, Տէր»ով  
եւ կը վերջանայ կիրակի իրիկուան «Կեցո՛, Տէր»ով,  
ինչպէս ըսինք արդէն (տե՛ս էջ 10):

Ասկէ զատ նախատօնականերն ալ, որ երեկոյնները  
կը կատարուին, տօնական օրերու սկսիլը կը հռչակեն:

Եկեղեցական օրերու սկսուածը յայտնապէս կ'երեւի  
պսակադրութեան ժամանակ ալ:—Երբ Կիրակին կ'երե-  
կոյանայ՝ հարսնիքներ կ'սկսին եւ պսակ կը դրուի,  
որովհետեւ այդ երեկոյններն են որ ԲՇ. ները կ'սկսին:

#### ՊԱՏԱՐԱԳԻ ՕՐԵՐԸ ԵՒ ԺԱՄԵՐԸ

Պատարագը ըստ հին սովորութեան ամեն օր կը  
մատուցուէր մեր եկեղեցւոյ մէջ: Յետոյ ՇԲ. եւ Կիրա-  
կի օրերու յատուկ եղաւ այս սովորութիւնը զոր դեռ  
շատ եկեղեցիներ ունին. իսկ հաստատապէս ամեն կի-  
րակի կը մատուցուի պատարագը:

Պատարագը կը մատուցուի,

1. Բոլոր Տէրունի օրերուն.
2. Տեղական եկեղեցիներու Տարեդարձին.
3. Տեղական եկեղեցիներու ուխտի օրերուն.
4. Տեղ տեղ Պսակի օրհնութեան ատեն ԲՇ առտուն.

5. Յուզարկաւորութեան հանդիսին (եթէ ուզուի) .

6. Կտակի մը համաձայն (եթէ կայ) :

Պատարագի ժամերը ընդհանրապէս ծաշու բացատրութեան տակ կ'իմացուին : Իսկ ծաշու ըսելով կէս օրէն յառաջ Յրդ. ժամ կը հասկցուէր , կամ ընդհանուր իմաստով ճաշի ատենները :

Ասկէ կը հետեւի որ ընդհանրապէս կէս օրէն յառաջ կը մատուցուի Պատարագը :

Բացառութիւն են Ճրագալոյցներու և Ծննդեան ու Զատիկի Պատարագները , որ երեկոյին և գիշերը (Ծննդեանն) առտուն կանուխ կը մատուցուին :

Բացառութիւն են յուզարկաւորութեանց Պատարագներու ժամերն ալ :

Ուխտատեղիներու մէջ՝ ինչպէս իմ գիտցածներէն Երուսաղէմ և Արմաշ՝ ուտիք , պահք չունին . բացառիկ կարգադրութիւններու և սովորութիւններու (մանաւանդ Երուսաղէմ) համեմատ պատարագ կը մատուցուի :

#### ՔԱՐՈՁԻ ԱՏԵՆԸ

Քարոզելու համար սովորութիւն եղած է ընդհանրապէս Տէրունի և Տօն օրեր :

Մեր եկեղեցւոյ արդի կարգադրութեան մէջ քարոզները կը խօսուին ընդհանրապէս ճաշու ընթերցուածներէն անմիջապէս յետոյ և ճաշու Աւետարանէն անմիջապէս յառաջ :

— Տեղ տեղ կը քարոզեն նաև Պատարագի միջոցին «Հայր մեր» էն յառաջ , Աւագ Հինգշաբթի օրուան քարոզը , որ ազօթքի ձեւով կը կարդացուի , ամէնէն ստոյգ հետքն է այս սովորութեան : <sup>(1)</sup>

(1) Էջմիածին ալ «Հայր մեր» էն յառաջ կը քարոզեն : Իսկ մեր մէջ Պատարագի սկիզբը «Մեղեդի» տեղ ալ կը քարոզեն երբեմն :

Կը քարոզուի նաեւ Մեծ Պահլի կիրակի երեկոյնները : Ասոնք ընդհանուր և հաստատուն ձե մը առած են կարծես :

Մեր եկեղեցիին մէջ , սակայն , բեմը միշտ բաց է երբ խօսող ըլլայ և ունկնդիրներ գտնուին :

« Գ Ի Ր Տ Ա Ր Ի Ո Յ »

Առիթ ունեցանք ըսելու (էջ 12, 14, 16) թէ Զատիկը չարժական տօն մըն է և թէ կը չարժի Մարտ 21—Ապրիլ 25՝ երեսուն հինգ օրերու մէջ . և այսպէս կը չարժին նաեւ ա՛յն բոլոր տօներ , որ Զատիկին կապուած են :

Արդ՝ ցուցնելու համար թէ Զատիկը իւրաքանչիւր տարին՝ այդ 35 օրերէն որո՞ւն պիտի հանդիպի . — հայերէն այբուբենին 35 գիրերը գործածուած են իւրաքանչիւր տարուան Զատիկ օրը գտնելու համար :

Այսպէս՝ մենք գիտենք որ Զատիկը կը տօնուի անպատճառ գարնանային գիշերահաւասարէն , այսինքն՝ Մարտ 21էն յետոյ լրացող լուսնի կիրակին . հետեւաբար Մարտ 21էն յառաջ Զատիկ չտօնուիր : Իսկ Մարտ 21էն անմիջապէս յետոյ Զատիկ տօնելու կիրակի օրը կը հանդիպի Մարտ 22ին : Արդ , ա՛յն տարին , որու Մարտ 22ին Զատիկ պիտ'ըլլայ , հաստատուն գիր մ'ունի իրեն համար . — Այբուբենի առաջին գիրը , Ա , է դա :

Ա՛լ գիւրին է կարգով չարել այբուբենի միւս գիրերը երեսուն հինգ տարիներու 35 Զատիկ օրերուն համար , այսպէս .

1 <b>Ա</b> Մարտ 22	2 <b>Բ</b> Մարտ 23	3 <b>Գ</b> Մարտ 24	4 <b>Դ</b> Մարտ 25	5 <b>Ե</b> Մարտ 26	6 <b>Զ</b> Մարտ 27
7 <b>Է</b> Մարտ 28	8 <b>Ը</b> Մարտ 29	9 <b>Թ</b> Մարտ 30	10 <b>Ժ</b> Մարտ 31	11 <b>Ի</b> Ապրիլ 1	12 <b>Լ</b> Ապրիլ 2
18 <b>Խ</b> Ապրիլ 3	14 <b>Վ</b> Ապրիլ 4	15 <b>Կ</b> Ապրիլ 5	16 <b>Ն</b> Ապրիլ 6	17 <b>Շ</b> Ապրիլ 7	18 <b>Պ</b> Ապրիլ 8
19 <b>Ճ</b> Ապրիլ 9	20 <b>Մ</b> Ապրիլ 10	21 <b>Ե</b> Ապրիլ 11	22 <b>Ն</b> Ապրիլ 12	23 <b>Ծ</b> Ապրիլ 13	24 <b>Ռ</b> Ապրիլ 14
25 <b>Զ</b> Ապրիլ 15	26 <b>Պ</b> Ապրիլ 16	27 <b>Ջ</b> Ապրիլ 17	28 <b>Դ</b> Ապրիլ 18	29 <b>Ս</b> Ապրիլ 19	30 <b>Վ</b> Ապրիլ 20
31 <b>Ց</b> Ապրիլ 21	32 <b>Բ</b> Ապրիլ 22	33 <b>Ց</b> Ապրիլ 23	34 <b>Ի</b> Ապրիլ 24	35 <b>Փ</b> Ապրիլ 25	36 <b>Դ</b> Ապրիլ 26

Ինչպէս որ կը տեսնուի, 35 տարիննրուն իւրաքանչիւրը մէկ մէկ գիր կ'ունենայ այսպէս. և այս գիրերն են որ «Գիր տարւոյ» կամ «Տարեգիր» ըսուած են :

Տարեգիրով կը գտնուի Զատիկը, Շարժական տօն  
128. — ՏԻՆՅՈՅ



ները , և այլն : Վերջապէս Տարեգիրն է որ Տօնացոյցը կը կառավարէ :

Տօնացոյցի ամենէն վերջը դրուած են ղոյգ մը աղ-  
իւսականք : Անոնց առաջինը կ'ըսուի Մշտնջենաւոր մեծ  
շրջան կամ Հնգհարիւրամեակ և երկրորդը՝ Պարգասումար :

Մշտնջենաւոր հնգհարիւրամեակը կը ներկայացնէ ,  
ի միջի այլոց , մշտնջենաւոր Տարեգիրները :

Պարգասումարը կը ցուցնէ բոլոր Շարժական տօնե-  
րու , « Միջոց ուտիք » ներու և այլն , ամսաթիւերն ու  
օրերը շատ որոշ կերպով :

Պէտք է գիտնալ որ Տօնացոյցի Բ. հատորը , 36  
գլուխներով , ընդարձակ պարզատումար մըն է , ուր  
պարզուած են Շարժական տօներու մասին բոլոր գիտե-  
լիքներ :

Այս բոլոր գիտելիքները օգտակար ընելու համար ,  
գիտնալու է Տարին և այդ Տարուան գիրը ( = Տարե-  
գիրը ) :

Բայց որովհետեւ Տարեգիրներուն գիւտը մասնա-  
ւոր հաշիւներով կ'ըլլայ և այդ հաշիւը բաւական ալ  
դժուար է Տօնացոյցով և Տոմարով միշտ չզբաղողներուն  
համար , ասկէ զատ , չատեր նոյն իսկ Տօնացոյցին մէջ  
դրուած աղիւսականքն ալ չեն կարող գործածել . մենք  
այս տեղ կը պարզենք մշտնջենաւոր հնգհարիւրամեակի  
աղիւսակը . աւելի ճիշդը 532 տարիներու հաստատուն  
շրջանին աղիւսակը , 1900 էն մինչև 2432 թուականը :

532 ՏԱՐԻՈՒԱՆ ՄՇՏՆՁԵՆԱԴՈՐ ՇՐՋԱՆԸ

Տարի	Տարեգիր	Տարի	Տարեգիր	Տարի	Տարեգիր	Տարի	Տարեգիր	Տարի	Տարեգիր	Տարի	Տարեգիր
1900	ՄՃ	1940	ԳԶ	1980	ԴԳ	2020	ԶՀ	2060	ՇՆ	2100	ՍՈ
1	Ի	1	Զ	1	Շ	1	Ս	1	Է	1	Մ
2	Ի	2	Զ	2	Կ	2	Ս	2	Է	2	Մ
3	Հ	3	Զ	3	Փ	3	Խ	3	Ճ	3	Զ
4	Ը	4	Խ	4	ՄՃ	4	Ռ	4	Ի	4	ԶՀ
5	Զ	5	Ց	5	Ի	5	Զ	5	Շ	5	Ա
6	Լ	6	Ղ	6	Տ	6	Թ	6	Կ	6	Բ
7	Բ	7	Ժ	7	Հ	7	Ս	7	Է	7	Խ
8	ՈՇ	8	ՎՍ	8	Ը	8	Խ	8	Զ	8	Ռ
9	Ը	9	Յ	9	Ջ	9	Ս	9	Ի	9	Զ
1910	Ռ	1850	Զ	1990	Լ	2030	Ժ	2070	Ց	2110	Թ
1	Մ	1	Գ	1	Դ	1	ՎՍ	1	Է	1	Ս
2	Ե	2	Ղ	2	ՈՇ	2	ՎՍ	2	Ը	2	Խ
3	Ո	3	Բ	3	Կ	3	Զ	3	Ճ	3	Ե
4	Հ	4	Ն	4	Ռ	4	Զ	4	Ճ	4	Զ
5	Ա	5	Ե	5	Մ	5	Գ	5	Դ	5	Ժ
6	ՅՍ	6	Ի	6	Լ	6	Ղ	6	ՈՇ	6	ՎՍ
7	Լ	7	Ղ	7	Ո	7	Բ	7	Կ	7	Յ
8	Ղ	8	Ժ	8	Հ	8	Ն	8	Փ	8	Խ
9	Զ	9	Վ	9	Ը	9	Ե	9	Մ	9	Գ
1920	Թ	1960	Կ	2000	Ռ	2040	Ի	2080	Լ	2120	Ղ
1	Ռ	1	Զ	1	Լ	1	Ղ	1	Ց	1	Թ
2	Խ	2	Գ	2	Ռ	2	Ժ	2	Հ	2	Ս
3	Խ	3	Ի	3	Ո	3	Վ	3	Ռ	3	Ե
4	ԶՈ	4	ՑՎ	4	Թ	4	Ն	4	Ճ	4	Զ
5	Հ	5	Ն	5	Ռ	5	Զ	5	Լ	5	Զ
6	Ս	6	Է	6	Մ	6	Գ	6	Դ	6	Ժ
7	Բ	7	Զ	7	Ե	7	Ղ	7	Ո	7	Վ
8	ԽԼ	8	Ճ	8	ԶՈ	8	ԳԲ	8	Կ	8	Ն
9	Զ	9	Ժ	9	Հ	9	Ե	9	Ռ	9	Զ
1930	Զ	1970	Ե	2010	Ա	2050	Ե	2090	Մ	2130	Գ
1	Թ	1	Կ	1	Յ	1	Ի	1	Ե	1	Ղ
2	ՍՈ	2	Է	2	ԽԼ	2	Ճ	2	ԶՈ	2	ԳԲ
3	Խ	3	Գ	3	Ր	3	Ժ	3	Հ	3	Ն
4	Ե	4	Ի	4	Զ	4	Վ	4	Ը	4	Ե
5	Զ	5	Ց	5	Թ	5	Կ	5	Յ	5	Ե
6	Ժ	6	Շ	6	ՍՈ	6	Է	6	ԽԼ	6	Ճ
7	Ս	7	Է	7	Խ	7	Գ	7	Ր	7	Ժ
8	Բ	8	Զ	8	Ե	8	Ի	8	Ո	8	Ե
9	Զ	9	Ճ	9	Զ	9	Ց	9	Թ	9	Կ

532 ՏԱՐՈՒԱՆ ՄՇՏՆՋԵՆԱԿՈՐ ՇՐՋԱՆԸ

Տարի	Տարեգիր	Տարի	Տարեգիր	Տարի	Տարեգիր	Տարի	Տարեգիր	Տարի	Տարեգիր	Տարի	Տարեգիր
2140	ԷՁ	2180	ԽԼ	2220	ՊԶ	2260	ԲՏ	2300	ԺԺ	2340	ՀԿ
1	Պ	1	Կ	1	Ժ	1	Է	1	Ս	1	Զ
2	Պ	2	Կ	2	Վ	2	Է	2	Ծ	2	Զ
3	Գ	3	Ո	3	Ե	3	Բ	3	Ջ	3	Լ
4	Դ	4	Ս	4	Է	4	Մ	4	Պ	4	Բ
5	Ե	5	Ս	5	Պ	5	Կ	5	Ժ	5	Ե
6	Ե	6	Պ	6	Ղ	6	Ո	6	Վ	6	Է
7	Ի	7	Զ	7	Գ	7	Հ	7	Ն	7	Ի
8	Ի	8	Զ	8	Ծ	8	Ք	8	Ծ	8	Ի
9	Վ	9	Ը	9	Ծ	9	Մ	9	Ծ	9	Մ
2150	ԷՊ	2190	ԲԽ	2230	ԻՃ	2270	ԼԲ	2310	ՂԺ	2350	ՈԼ
1	Է	1	Խ	1	Ճ	1	Բ	1	Ժ	1	Լ
2	Պ	2	Ք	2	Ժ	2	Ջ	2	Վ	2	Է
3	Ս	3	Ո	3	Վ	3	Բ	3	Ծ	3	Մ
4	Տ	4	Ս	4	Կ	4	Դ	4	Ջ	4	Լ
5	Ե	5	Ս	5	Ե	5	Դ	5	Պ	5	Լ
6	Ը	6	Ս	6	Պ	6	Դ	6	Ի	6	Լ
7	Ջ	7	Ե	7	Ղ	7	Ո	7	Վ	7	Է
8	Ջ	8	Զ	8	Գ	8	Ս	8	Ն	8	Ի
9	Ո	9	Զ	9	Ծ	9	Ս	9	Ե	9	Խ
2160	ՈԸ	2200	ԲԽ	2240	ԿԺ	2280	ՍԲ	2320	ՋՊ	2360	ԽԼ
1	Խ	1	Խ	1	Ժ	1	Բ	1	Ղ	1	Լ
2	Է	2	Խ	2	Ճ	2	Զ	2	Կ	2	Ջ
3	Մ	3	Ք	3	Ի	3	Ջ	3	Ե	3	Ս
4	Մ	4	Ղ	4	Տ	4	Դ	4	Կ	4	Ս
5	Լ	5	Ժ	5	Կ	5	Դ	5	Ի	5	Լ
6	Լ	6	Ս	6	Ե	6	Խ	6	Ի	6	Զ
7	Ը	7	Ս	7	Ջ	7	Ք	7	Ի	7	Զ
8	Ը	8	Ջ	8	Լ	8	Պ	8	Տ	8	Ի
9	Ի	9	Ջ	9	Տ	9	Ս	9	Կ	9	Խ
2170	ԻՈ	2210	ՋՎ	2250	ԵԸ	2290	ՍԲ	2330	ԷՋ	2370	ԽԽ
1	Ո	1	Վ	1	Ը	1	Բ	1	Ջ	1	Խ
2	Կ	2	Ն	2	Ը	2	Ջ	2	Ղ	2	Պ
3	Փ	3	Խ	3	Ճ	3	Ջ	3	Կ	3	Փ
4	Մ	4	Պ	4	Կ	4	Ջ	4	Ե	4	Ս
5	Մ	5	Ժ	5	Կ	5	Ը	5	Դ	5	Ս
6	Բ	6	Ժ	6	Հ	6	Ն	6	Փ	6	Ջ
7	Լ	7	Ս	7	Ե	7	Խ	7	Ճ	7	Ջ
8	Ը	8	Ս	8	Մ	8	Ք	8	Ի	8	Ջ
9	Ի	9	Ջ	9	Լ	9	Ղ	9	Ո	9	Ք

532 ՏԱՐՈՒԱՆ ՄՇՏՆՋԵՆԱԻՈՐ ՇՐՋԱՆԸ									
Տարի	Տարեգիր	Տարի	Տարեգիր	Տարի	Տարեգիր	Տարի	Տարեգիր	Տարի	Տարեգիր
2380	ՆՅ	2390	Բ	2400	ԻԺ	2410	Պ	2420	ՓԻ
1	Խ	1	Ն	1	Վ	1	Ի	1	Ճ
2	Ց	2	Խ	2	Ն	2	ՏՎ	2	Ի
3	Ղ	3	Ց	3	Ե	3	Ն	3	Տ
4	ԺԺ	4	Ղ	4	ՋՊ	4	Ե	4	ՀԿ
5	Ս	5	Ժ	5	Ղ	5	Ջ	5	Ե
6	Յ	6	ՎՍ	6	Ժ	6	ՃՂ	6	Ջ
7	Ջ	7	Ծ	7	Շ	7	Փ	7	Լ
8	ՊՁ	8	Ձ	8	ԿԾ	8	Շ	8	ԴՓ
9	Ձ	9	Պ	9	Ձ	9	Կ	9	Շ

Այս մշտնջենաւոր աղիւսակին լաւ ուշադրութիւն ընելով քանի մը կարեւոր կէտեր մատնանիչ կ'ընենք .

Ա. — Տարեգիրները այբուբենական կարգով իրարու չեն յաջորդած . այլ՝ կարծես խառն ի խուռն : Ասոր պատճառը սա է . որովհետեւ երբ տարի մը Մարտ 22ին Զատիկ ըլլայ , յաջորդ տարին՝ Մարտ 23ին եւ միւս տարին Մարտ 24ին Զատիկ չըլլար որ Տարեգիրներն ալ այբուբենական կարգով իրարու յաջորդէին :

Բ. — Թէեւ Տարեգիրներու ծանօթ ու աւանդական այբուբենական կարգը խախտած է այդպէս , բայց 532 տարիներու մշտնջենաւոր չրջանին մէջ ալ հաստատուն կարգի մը վերածուած են : Այնպէս որ 532 տարիներու իւրաքանչիւրին առջեւ միանգամ ընդմիշտ Տարեգիրները դնելէ յետոյ , երբ այդ պատկառելի չրջանը բոլորի լմննայ , այս անգամ միայն Տարեգիրներու առջեւ դրուած տարիները նորոգելով՝ դարձեալ կ'շարունակուի Տարեգիրներու հաստատ եւ մշտնջենաւոր գործածութիւնը : Այսինքն՝ 532 տարիները լմննալէ յետոյ բա-

ւական է մեր չինած ցուցակին տարիները ջնջել եւ սկիզբը դրուած Տարեգրին առջեւը դնել 2433 եւ շարունակել մինչեւ 2965 , եւ այսպէս շարունակ :

Գ. — Տեսանք թէ 532 տարիներէ շատերուն առջեւ Տարեգիրները զոյգ դրուած են : Այդ զոյգ Տարեգիր ունեցող տարիներ նախանջ <sup>(1)</sup> կ'ըսուին :

Զոյգ Տարեգիրներուն մէկը կ'գործածուի Յուն վարի առջի օրէն մինչեւ Փետրվարի վերջը , ամբողջ 2 ամիս : Իսկ միւսը կ'գործածուի Մարտի առջի օրէն մինչեւ Դեկտեմբերի վերջը , ամբողջ 10 ամիս :

Զոր օր. 1900ը նախանջ տարի է որու Տարեգիրն է ՄՃ : Առաջին գիրը՝ (Մ) կ'գործածուի Յունվար եւ Փետրվար՝ ամբողջ 2 ամիս , իսկ երկրորդ գիրը՝ (Ճ) կ'գործածուի Մարտէն մինչեւ Դեկտեմբերին վերջը՝ ամբողջ 10 ամիս :

Ինչպէս որ կ'տեսնուի Զոյգ-Տարեգիրներն ալ այբուբենական կարգով չեն դրուած , այսինքն՝ փոխանակ ՃՄ դրուելու , դրուած է ՄՃ : Բոլոր Զոյգ-Տարեգիրներն ալ այսպէս են :

Այս ետեւառաջութեան պատճառը սա է . գիտենք որ նահանջ տարիներուն Փետրվար ամսուն օրերը հասարակ տարիներու Փետրվար ամսու օրերէն օր մ'ԱՒԵԼԻ են (28 + 1 = 29) : Արդ ո՛ր եւ է նահանջ տարուան Փետրվարին այդ աւելի մէկ օրը նշանակելու համար ա՛յն Տարեգիրը կ'գործածուի , որ բուն տարեգրին յաջորդն է գրերու այբուբենական կարգին մէջ , հետեւաբար թիւ մըն ալ աւելի :

Եւ ա՛յս է պատճառն որ ա՛յդ օգնական Տարեգիրը՝

(1) Նախանջ են այն տարիները , որոնց օրերուն Թիւը 365ի տեղ 366 կ'ըլլայ : Այդ մէկ օրը կ'աւելնայ Փետրվար ամսուն օրերը 28ի տեղ 29 հաշուելով : — Զորս տարին անգամ մը նախանջ տարի կ'ըլլայ :

Յունւար եւ Փետրուար ամիսները լրանալէ յետոյ՝ կ'թող-  
ուի (որովհետեւ իր պաշտօնը լինցուցեր է) եւ բուն Տա-  
րեգիրը կ'գործածուի մնացած 10 ամիսներուն համար :

### ՅԱՐԵԳԻՐՈՎ ԶԱՏԻԿԸ ԳՏՆԵԼ

532 տարուան մշտնջենաւոր շրջանին մէջ ուզած  
տարիդ ու անոր Տարեգիրը գտնելէ յետոյ ա'լ շատ դիւ-  
րին է Տօնացոյցին Բրդ հատորը , այսինքն՝ պարզասո-  
ւնաւոր գործածել , ո'ւր ո'չ միայն Զատիկի ամսաթիւն ու  
օրը նշանակուած է , այլ նաեւ ուրիշ տօներու ամսա-  
թիւերն ու օրերը , եւայլն :

Ասկէ զատ , առանց Տօնացոյցի ալ դիւրին է գտնել  
ուզուած *n* եւ է տարուան Զատիկը :

Զոր օր. կ'ուզեմ գիտնալ թէ 1900 ին Զատիկը  
ե՞րբ է :

Գիտենք արդէն թէ Զատիկը անպատճառ Մարտ  
21էն ետքը կ'ըլլայ եւ մինչեւ Ապրիլ 25 , երեսուն հինգ  
օրերու կիրակիներէն մէկուն կ'պատահի (էջ 16) : —  
Գիտենք նաեւ թէ 1900 ի Տարեգիրն է (ՄՃ) :

Արդ Մարտ 21ին վրայ կ'աւելցնեմ (Ճ) այբուբե-  
նական կարգին թիւը , (տե՛ս էջ 33 ալիւսակը) որ է 19 ,  
կ'ուեննամ  $21 + 19 = 40$  : Քառասունէն հանելով Մարտ  
ամսուն 31 օրերուն թիւը , կ'ուեննամ  $40 - 31 = 9$   
Ապրիլ : — Ուրեմն 1900 ին Ապրիլ 9 ին Զատիկ է :

Ուրիշ օրինակ մը . 1905 ին Զատիկը ե՞րբ է :

Այդ տարուան Տարեգիրն է (Զ) , որու այբուբենա-  
կան կարգին թիւն է 27 :

Արդ՝ Մարտ  $21 + 27 = 48$  , որմէ հանելով Մարտի

31 օրերուն թիւը, կ'ունենանք  $48 - 31 = 17$  Ապրիլ, որ է 1905 ին Ջատիկի օրը :

Օրինակ մըն ալ, 1915 ին Ջատիկը ե՛րբ է :

Այդ տարուան Տարեգիրն է (Ա), որու այբուբենական կարգին թիւը՝ 1 :

Արդ՝ Մարտ 21 + 1 = 22 Մարտ : Ուրեմն 1915ին Ջատիկը պիտի ըլլայ Մարտ 22 ին :

Դարձեալ՝ 1945ին Ջատիկը՝ ե՛րբ է :

Այդ տարուան Տարեգիրն է (Յ), որու այբուբենական կարգին թիւն է 33 :

Արդ՝ Մարտ 21 + 33 = 54 . հանելով Մարտի 31 օրերը, կ'ունենանք 23 Ապրիլ :

Ուրեմն՝ 1945 ին Ջատիկն ալ պիտի ըլլայ Ապրիլ 23 ին :

Այս բոլոր օրինակներէն սա կանոնը կը հետեւցնենք .

Չափկը գտնելու համար Մարտ 21 ին վրայ գումարեալով սարիիդ Տարեգիրին այբուբենական կարգին թիւը . գումարը եթէ Մարտ անտու 31 օրերու թիւէն անդի է, հսկեալ այդ 31ը եւ մնացածը ցոյց կուտայ Ապրիլ անտու Չափկին անապիւր : Իսկ եթէ գումարը Մարտ անտու 31 օրերու թիւէն անդի չէ՛, յայտնի է որ այդ գումարը ցոյց կուտայ Մարտ անտու Չափկին անապիւր :

Համառօտենք այդ կանոնը .

Ա. — Ջատիկը Մարտ ամսու մէջ .

Մարտ 21 + Տարեգրի թիւը = Մարտ + Ջատիկ :  
Կամ. Մ. 21 + Տ. Թ. = Մ. + Չ. :

Բ. — Զատիկը Ապրիլ ամսու մէջ՝

Մարտ 21 + Տարեգրի թիւը = Մարտ Ապրիլ + ,  
պակաս Մարտ 31 = Ապրիլ + Զատիկ :

Կամ. Մ. 21 + Տ. Թ. = Մ. Ա. + — Մ. 31 = Ա + Զ :

# ՏԱՐԵԳՐՈՎ ՏՕՆԵՐ ԳՏՆԵԼ

Տարեգրի մը այբուբենական կարգին թիւը աւելցնելով ( = գումարելով ) այլ եւ այլ հաստատուն ամսաթիւերու վրայ, կ'գտնենք կարգ մը նշանաւոր տօներուն ու օրերուն ամսաթիւերը :

Հիմայ՝

1. Աւելցո՛ւր Յունւար 10 ի վրայ Տարեգրի այբուբենական կարգին թիւը, կ'գտնես Առաջաւորաց Բարկենդանը .

2. Աւելցո՛ւր Յունւար 31 ի վրայ Տարեգրի այբուբենական կարգին թիւը, կ'գտնես Բուն Բարկենդանը :  
— Ուրիշ խօսքով Փետրւար մէկէն համրէ Տարեգրի այբուբենական կարգին թիւը, կ'գտնես Բուն Բարկենդանը :

3. Աւելցո՛ւր Մարտ 21 ի վրայ Տարեգրի այբուբենական կարգին թիւը կ'գտնես Զատիկը (արդէն երկար բացատրեցինք այս կէտը) :

4. Աւելցո՛ւր Ապրիլ 18 ի վրայ Տարեգրի այբուբենական կարգին թիւը, կ'գտնես Երեւանի Խաչը :

5. Աւելցո՛ւր Ապրիլ 29 ի վրայ Տարեգրի այբուբենական կարգին թիւը, կ'գտնես Համբարձումը :



6. Աւելցու՛ր Մայիս 9ի վրայ Տարեգրի այբուբենական կարգին թիւը , կ'գտնես Հոգեգաղութը :

7. Աւելցու՛ր Մայիս 30 ի վրայ Տարեգրի այբուբենական կարգին թիւը , կ'գտնես Ս. Գրիգոր Լուսաւորչի (Գիւտ նշխարաց) Բարկենդանը :

8. Աւելցու՛ր Յունիս 27ի վրայ Տարեգրի այբուբենական կարգին թիւը , կ'գտնես Վարդապետը :

Ծանօթութիւն . — Այս բոլոր յաւելումներու մէջ երբ գումարը ամսուան 30 կամ 31 օրերէն աւելի ըլլայ , միշտ վրան թիւը գումարուած ամսուն օրերուն թիւը պիտի հանես եւ մնացածը պիտի ըլլայ փնտուռած տօնին ամսաթիւը :

Զատիկը գտնելու առթիւ յառաջ բերուած օրինակներու մէջ տեսանք արդէն այս գործողութեան եղանակները :

9. Երբ Տարեգրի այբուբենական կարգի թիւին վրայ աւելցնես 4 եւ գումարը բաժնես 7 ով , յառաջ եկած թիւը կ'ցուցնէ թէ Վերալիոյսումը Օգոստոս 12—18 , ո՞ր օրը (կիրակի) պիտի հանդիպի :—Առաջին թիւը միշտ օգոստ. 12 բռնելու է :

10. — Նոյնպէս՝ երբ Տարեգրի այբուբենական կարգի թիւին վրայ աւելցնես 2 եւ գումարը բաժնես 7 ով , յառաջ եկած թիւը կ'ցուցնէ թէ Խաչվերացը Սեպտեմբեր 11—17 ո՞ր օրը (կիրակի) պիտի հանդիպի : — Հոս ալ առաջին թիւը Սեպտ. 11 բռնելու է :

11. — Խաչվերացի կիրակիէն հաշուելով Երրորդ կիրակին անպատճառ կ'տօնուի Վարազայ Ս. Խաչը :

Ինչպէս որ տեանուեցաւ , Տարեգիրը կարեւոր դեր  
մը կ'կատարէ Տոմարական եւ Տօնացուցական հաշիւներու  
մէջ :

Տարեգրի մասին մեր ցոյց տուածէն աւելի գիտե-  
լիքներ մասնագէտներուն կ'վերաբերին :

Տարեգրին ամենէն գործնական ու ամենէն դիւրին  
գործածութիւնը մեր նշանակած օրինակներու մէջ ամ-  
փոփուած ու ցոյց տրուած է : Այսչափն ալ հերիք է ժո-  
ղովրդեան համար :

## ՏՕՆԱԿԱՆ ՄԵԾ ՕՐԵՐ

**1. ԱՍՅՈՒԱԾԱՅԱՅՑՆՈՒԹԻՒՆ .** Բառական  
ճշդութեամբ կը նշանակէ Աստուծոյ յայտնուիլը : Այդ  
տօնը մեր Ս. Եկեղեցին կը կատարէ Քրիստոնէական  
եկեղեցւոյ ամենահին սովորութեան համեմատ՝ Յուն-  
վար ճին , որ օրն ալ հանդիպի , Յ օր տեւողութեամբ :  
Որովհետեւ ճշգրիտ հաշիւներով ցուցուած է որ Յուն-  
վար ճին տեղի ունեցած է Յիսուսի Քրիստոսի ծնունդը .  
եւ այս է պատճառը որ մեր եկեղեցին միայն պարզա-  
պէս Աստուծայայտութիւն չըսէր , այլ եւ Տօն Մենդեան եւ  
Մկրտքեան Տեսուն մերոյ Յիսուսի Քրիստոսի : Որովհե-  
տեւ Աստուածայայտութեան մէջ կըմբռնուի Քրիստոսի՝  
իր Աստուած՝ Մանդեամբ Մկրտութեամբ եւ իրենց բոլոր  
պարագաներով<sup>(1)</sup> մարդոց մէջ յայտնուիլը : Գիտեն ար-  
դէն մեր եկեղեցւոյ զաւակունք թէ Մանդեան՝ կցուած

[<sup>1</sup>] Այսինքն՝ մոզոց երկրպագութիւնը , եւայլն . Մկրտութեան ա-  
տեն Ս. Հոգւոյն իջումը , եւայլն :

է մկրտութեան տօնն ալ եւ ասի կը կատարուի մեր եկեղեցւոյ մէջ Ծննդեան առտուն՝ խաչը ջուր իջեցնելով : Խաչի վրայ մտածելով՝ Քրիստոսը դիւրաւ կ'ըմբռնուի : Եւ զայն իջեցնելով ջուրի մէջ՝ Քրիստոսի Յորդանան գետին մէջ մկրտութիւնը կը յիշատակուի ու կը տօնուի :

— Այն եկեղեցիներ, որ Քրիստոսի Ծնունդը կը տօնեն Դեկտ. 25ին, Մկրտութիւնը կ'տօնեն Յունվ. 6ին :

Աւելորդ է այս տեղ մեր եկեղեցւոյ ճիշդ հաշիւը անգամ մ'ալ չեշտել : Փափաքողներուն կը յանձնարարենք Շնորհալի Ս. Հայրապետին այս խնդրին վրայ գրածները, որ Ընդհանրականի հետ մէկտեղ հրատարակուած է :

**Ձ. ՅՕՆ ԱՆՈՒԱՆԱԿՈՉՈՒԹԵԱՆ. Միշտ Յուն.**  
13ին կը տօնուի, որ կը յիշեցնէ Քրիստոսի անուան դրուիլը (կոչուիլը) : Հրէական օրէնքով արու մանուկներ իրենց ծնունդէն ութ օր վերջը պիտի թլփատուէին եւ տղուն անունը պիտի դնէին : Քրիստոս այդ օրէնքի տակ՝ թլփատեցաւ Իւր ծնունդէն ութ օր յետոյ եւ անունը դրուեցաւ : Բայց որովհետեւ Քրիստոնէութիւնը թլփատութիւն չընդունիր, այլ՝ Մկրտութիւն, եւ մկրտութեան ժամանակ տղայոց անունը կը դրուի, Ծննդեան ութերորդ օրը Տօն անուանակոչութեան ըսուած է : Դիտելու է որ հին Ձեռագիր տօնացոյցներ, որոնցմէ երկու հատ ունիմ, Ծննդեան ութերորդ օրուան յատուկ յիշատակ մը չեն դրած. որովհետեւ Ծնունդ եւ Յայտնութիւն է դեռ : Իսկ Տօնացոյցը կը դնէ ութերորդ աւուրն տօն է Յայտնութեան եւ թլփատութեան Տեսուն մերոյ Յիսուսի Քրիստոսի : Իսկ Օրացոյցները ճշդած են զայն եւ ըսած են պարզապէս Տօն անուանակոչութեան Տեսուն մերոյ Յիսուսի Քրիստոսի :

Ծնունդէն ութ օր ետքը մկրտութիւն ընել եւ անուն դնել այնքան ծանօթ սովորութիւն մըն է որ առ հասարակ մեր մէջ ալ կը գործադրուի :

**3. ՅԵԱՌՆԸՆԴԱՌԱՋ.**— Քրիստոսի Իւր Ծնունդէն 40 օր ետքը Տաճար նուիրուելուն տօնն է :

Հրէական օրէնքով տղայք իրենց ծնունդէն 40 օր ետքը Տաճար տարուելով Աստուծոյ պիտի ընծայուէին : Այս առթիւ հարուստ ծնողք մէկ տարեկան գառնուկ մը պիտի նուիրէին Տաճարին , իսկ աղքատներ զոյգ մը աղանի : Քրիստոսի ծնողաց նուէրը զոյգ մը աղանի եղաւ , երբ Իւր ծնունդէն 40 օր ետքը Տաճար տարուեցաւ ընծայուելու համար : Այս սովորութիւնը Քրիստոսնէական բարքերու մէջ ալ անցաւ . եւ պատճառը այս է որ մեր ծնողք ալ իրենց տղաքները անոնց ծնած օրէն 40 օր հաշուելով եկեղեցի կը տանին եւ քառասունքէն կը հանեն տղաքներուն մայրերը : Ծննդաբեր կնոջ համար՝ սկիզբէն ի վեր՝ 40 օր բաւական համարուած է՝ իւր կանոնաւոր կեանքը վերսկսելու համար <sup>(1)</sup> :

Տեառնընդառաջ բացատրութիւնը նոր է , որուն այլ եւ այլ մեկնութիւններ յարմարցուած են :

Ուրիշ բացատրութեամբ Տէրնտաս ըստած է այդ տօնը , զոր ոմանք Տեառնընդառաջին աղաւաղումը նկատեցին : Ուրիշներ ալ՝ Հայոց հին հաւատքէն մնացած տօնի մը անուն է ըսին , պնդելով մանաւանդ կրակավառութեան սովորութեան վրայ , որ պատմական առնչութիւն մը չունի Քրիստոսի քառասնօրեայ տաճար գալստեան հետ : Շատ հաւանական է որ Տերնտաք հա-

(1) Ա՛յն մայրեր , որոնց քառասունքը Տեառնընդառաջի կը մօտենան , առանց նայելու ճիշտ 40 օրերու Թիւին , այսինքն՝ 40 օրերէն պակաս եղած տօնն ալ իրենց քառասունքը կը ըմբռնեն Տեառնընդառաջին հետ :

յոց հին հաւատքին պատկանող սօն մ'ըլլայ : Անոնք որ Տերնաւս բառին հին ծագումը ուրացան , ոչ-գլխական ստուգաբանութիւն մը ըրին : Անա հայկազեան բառաբանին դիտողութիւնը այս ոչ-գլխական ստուգաբանութեան մասին — Տե'ս Տեառնընդասաջ բառը « . . . Տերնաւսի օր . զոր յետինք ոմանք կամեցան ըստ կամի՞ մեկնել Տեր ընդ այս յարմարելով եւ աւանդութիւն նոր թէ ընդ արեւելեան դուռն փակեալ (որ օրինակ էր Կուսին) անցեալ իցէ Տէրն ի գրկի մօր իւրոյ եւ Կուսի . Ասեն Տեր եանց ընդ այս դուռն , ուստի Տեառնընդասաջ եւ Տերընդայս կոչի . իսկ զի՞նչ կրակն լուցանել Տէրընդայս ասել , ծերքն եւ սղոյքն չուրջ գային զբոցոյն եւ գոչէին , ա'յ Տէրընդայս , ա'յ Տէր ընդ այս . Տօնակ : Այլ յայտ է թէ կրակաւառութիւն հայի ի խորհուրդ բանիցըս , «լոյս ի յայսնութիւն հեթանոսաց» եւ «նուր եկի արկանել» , որ են ընթերցուածք Աւետարանի ի Տեառնընդասաջն» :

— Տերնաւս բառը սակայն , աւելի ծանօթ է քրիստոնէից՝ կից ունենալով կրակ վառելու սովորութիւնը , զոր եկեղեցին մոմավառութեան վերածելով հանդերձ , չէ՛ կրցած մեծ մեծ խարոյկներ վառելու սովորութիւնը վերցնել ժողովրդեան մէջէն . <sup>(1)</sup> Այս սոմնը միայն բաւական են Տէրընսասի հիւղութիւնը հին տօնով մը նոյնացնելու :

**4. ԱՌԱՋԱՆՈՐԹ.** — Առաջաւորաց Բարկեկոսան , Առաջաւոր պահի , Պահի առաջաւորաց , այս բոլոր ձեւերուն տակ գործածուած անուն մ'է Առաջաւորի , որ բաւական իմաստով կը նշանակէ Առաջող , Կանխող , Յառա-

(1) Հին տօնացոյցեր հրավառութիւն կը հրամայեն բայց Սիմէոնեանը «խոսելի է» կըսէ իբր «ի տգիտաց ներմոծեալ» բան մը :

ընթաց , Առաջնութիւն ունեցող : Եւ այսպէս կոչուած է  
ա'յն շաբաթապահքը , որ Ծննդունդի շաբաթապահքէն ետ-  
քը առաջին շաբաթապահքն է , եւ այդ շաբթուն ուր-  
բաթ օրը կ'կատարուի Յովնան Մարգարէի եւ Նինուէացոց-  
յիչատակը , իսկ շաբաթ օրը Ս. Սարգիսի տօնը կը կա-  
տարուի : Ասի շաբաթապահք մըն է՝ որ մեծ պահքի  
առջեւէն կ'երթայ :

Բայց Առաջաւորք կոչման թէ՛ Ծնորհալի հայրապետ  
(Յունաց գրած իւր թղթերուն մէջ) եւ թէ՛ ուրիշներ բուն  
ազգային եւ պատմական նշանակութիւն տուած են որ  
աւելի սիրուն եւ բանաւոր է : Առաջաւորք կը յիշեցնեն  
մեզ Ս. Գրիգոր Լուսաւորիչի հաստատած առաջին պահքը ,  
60,000 հոգիներու մկրտութեան առթիւ :

Որովհետեւ ուրիշ եկեղեցիներ չունին այս պահքը ,  
եւ այդ շաբաթ , ինչպէս ըսինք , Ս. Սարգիսի տօնն ալ կը  
կատարուի , մասնաւորաբար Հոռոմք կը ծիծաղէին Հայոց  
վրայ՝ իբր Սուրբի մը համար պահք բռնող աղգի մը վրայ :  
Այս ծիծաղին աւելի սաստիկ գոյն մը տալու համար Ս.  
Սարգսին պատմութիւնն ալ ուզածնուն պէս շինեցին :  
Խնդիրը՝ ոչինչ խնդիրը՝ ծանր կերպարանք մ'առաւ , եւ  
Ծնորհալի հայրապետ պարտք համարեց կրկին գրու-  
թիւններով բացատրել իրողութիւնը հոռոմոց եկեղեցւոյն  
եւ արքունիքին : Ահա այդ գրութիւններուն մէջ է որ  
Առաջաւորք Ս. Լուսաւորչէն հաստատուած է , կ'չեչտէ ,  
Ծնորհալի հայրապետը :

**Ծ. ԲԱՐԵԿԵՆՊԱՆ .** — Բարեկենդան ա-  
նունը կը տրուի ա'յն բոլոր օրերուն , որոնց անմիջապէս  
կը յաջորդեն նշանաւոր շաբաթապահքեր , եւ այդ օրեր  
արտառայ կարգի ուրախութիւններ կ'ըլլան :

Իսկ Բուն Բարեկենդան կամ Մեծ Բարեկենդան է այն  
օրը , որուն անմիջապէս կը յաջորդէ Մեծ պահք կամ

քունն պահի: Բարեկենդաններ ընդհանրապէս կիւրակէ օրերուն յատուկ են: <sup>(1)</sup> Բոլոր Քրիստոնեայ ազգեր ալ Բարեկենդան ունին. Արեւմտեան ազգեր զարնախաղ (carnavale) կ'ըսեն, որմէ առնուած է թրքերէն *կոֆէ-սիմի* կամ *կոֆէ-սիմի* լապտերի լապտերութիւնը. որովհետեւ բարեկենդանին է որ միւս կուտին եւ ա'լ կը կտրին, կը դադրին ուտելէ (Թրք. *կոֆէ-սիմի*): Ժողովուրդը կը սիրէ ըսել Բարեկենդան կամ բարեկենսաբ:

Ժողովուրդեան մէջ սովորութիւն եղած է նոյն օրն անուանել փակիւ խորան, զոր հայերէնով ստուգաբանել ուղեցին ոմանք իբր «Փակեալ խորան», որովհետեւ այդ օրը եկեղեցւոյ խորանները կը փակուին. բայց ուրիշներ աւելի գիտնականօրէն ստուգաբանեցին զայն պարսկերէնով իբր ընդեղէն (պարսկեր. *բալիք*) ուտողներ (պարսկ. *խորան*):

**Ե.** Մեծ պահոց կիւրակէները մասնաւոր յիշատակներու նուիրուած են.

**Ա. ԲՈՒՆ ԲԱՐԵԿԵՆԴԱՆԸ.** — Կամ մեծ պահոց առաջին կիրակին ԴՐԱՅՏԻ ՅԻՇԱՏԱԿԻՆ, այսինքն՝ մարդկային կեանքի ամենէն երջանիկ եւ ամենէն կատարեալ մէկ վիճակին, որուն մէջ ապրեցաւ մարդկային առաջին զոյգը, ըստ Ս. Գրոց:

**Բ. ԱՐՏԱՔՍՄԱՆ ԿԻՐԱԿԻՆ.** — Այսինքն՝ նախածնողաց արտաքսումը այդ երջանիկ կեանքի դրախտէն եւ մարդոց հիմակուան քրտինքի եւ աշխատութեան կեանքի սկզբնաւորութիւնը:

**Գ. ԱՆԱՌԱԿԻ ԿԻՐԱԿԻՆ.** — Եկեղեցին մարդ-

<sup>(1)</sup> Ծննդեան Բարեկենդանը միայն շաբթուն է եւ է օրուան կ'պատահի:

կային կեանքի գլխաւոր երկու դէպքերը յիշատակելէ յետոյ երկու կիրակիներուն մէջ, կ'անցնի կեանքի ուրիշ երեւոյթները բացառելու Քրիստոսի միջոցաւ, որ իւր այլ եւ այլ առակներով եւ վարդապետութիւններով խորին հայեացքներ ունեցած է մարդոց կեանքին ու կենցաղին վրայ :

Այսպէս՝ Անառակ որդիի ծանօթ առակով կը բացատրուի, ընտանեկան կեանքի հիմնական մէկ իրողութիւնը, որ կը կայանայ հօր մը եւ իւր զաւակաց օրինաւոր եւ կանխաւոր յարաբերութիւններուն խանդարումին եւ վերականգնումին մէջ : Եւ երբ այս իրողութիւնը մտածէք Հօր Աստուծոյ եւ մարդոց (Աստուծոյ զաւակներուն) յարաբերութիւններուն նկատմամբ՝ շուտով ըմբռնած կ'ըլլաք նաեւ Եկեղեցւոյ այդ Կիրակիին տուած խորհրդաւորութիւնը :

Դ. ՏՆՏԵՍԻ ԿԻՐԱԿԻՆ. — Մարդկային կեանքի ամենէն գործնական եւ մարդիկը ամենէն շատ զբաղեցնող իրողութիւնը կը յիշատակուի այդ օր : Կեանքի կռիւը, դրամը, վարկը, շուկայի կեանքին ամենէն ապրական կողմերուն ուսումնասիրութիւնը Տնտեսի մը գործողութիւններուն մէջ :

Ե. ԴԱՏԱՌՈՐԻ ԿԻՐԱԿԻՆ. — Արդարութեան առջեւ՝ մարդկային իրաւունքներու պաշտպանութեան գերազանց խնդիրը կ'պարզուի :

Զ. ԴԱՆՍՏԵԱՆ ԿԻՐԱԿԻՆ. — Կը յիշատակուի Քրիստոսի գալուստն ու երեւումը մարդոց մէջ :

Է. ԾԱՂԿԱԶԱՐԴԻ ԿԻՐԱԿԻՆ. — Կը յիշատակուի Քրիստոսի փառաւոր մուտքն Թէթղեհեմէն Երուսաղէմ եւ Տաճարին մաքրութիւնը անվայել գործառնու-

128. — Յոս-յոյ



թիւներէ : Զիթենիի եւ արմաւենիի ճիւղերը , սասերը , որոնցմով եկեղեցին կ'զարդարուի , բոլոր Քրիստոնեայք գիտեն թէ ժամանակակից ժողովրդեան Քրիստոսաւ ըրած ցոյցերէն մէկ մասը կ'ընկնեն ատոնք : Ծաղկազարդը մեր ժողովուրդին մէջ աւելի ծառագարող կամ զարգարար անունով ծանօթ է եւ հաւանականաբար ամենէն ճիշտ անունը : Երբեմն Ողորդեան (յունարէն կոչումով) եւ օր Արմաւենեաց կամ Արմաւենեաց կիրակի ալ կոչուած է Զարդարարը :

Լատին եկեղեցին դեռ այնպէս կ'անուանէ :

Այս եօթը կիրակիներու մասին սե'ս «Վերծանողի խորհրդածութիւնները» Բիւզանդիոնի մէջ (1899 թիւ 722 էն սկսեալ :

**Յ. ՄԻՋԻՆԳ.** — Մեծ պահքի ճիւղ կէսը , որ կը հանդիպի ճիւղ Զարդ օրը , ԴՇ. օր մը :

Միջինին՝ սեղական՝ սովորութիւններու համեմատ մեծպահոց ճոխ սեղաններ սեղի կ'ունենան , կամ արտաքոյ կարգի բան մը կ'ընեն , գոնէ հասիկ կը խաշեն :

**Շ. ԱՂՈՒՀԱՑՔ.** — Մեծ պահոց բուն անունը ԱՂՈՒՀԱՑ է եկեղեցւոյ մէջ . ինչպէս նաեւ ԱՂՀԱՑՔ կամ ԱՂՑՔ : Աղուհացք չատ սովորական գործածութիւն մ'ունի : Իսկ Աղց՝ միայն Շարականի մէջ կը գործածուի այժմ ԱՂՑ Մի՝ ձեւին տակ , որ կրճատուածն է «յաղցիս մի՝ ասեռ» բացատրութեան , այսինքն՝ աղցից (աղուհացից = մեծպահքի) մէջ մի՝ ըսեր (մի՝ պաշտեր = մի՝ երգեր) ա'յն շարականները , որ աղուհացի Հարցերու կարգին մէջ դրուած են եւ որք ուրիշ ատեն երգուելու սահմանուած են :

Աղուհացք ըսուած է , որովհետեւ այդ օրերուն մէջ

միայն աղ ու հաց ուտուելու էր ըստ ամենէն հին սովորութեան <sup>(1)</sup> :

Դիտելու է նաեւ որ Աղ ու հաց ամենէն թանկագին տարրները նկատուած են կեանքի պահպանութեան եւ այս պատճառաւ բաւական համարած է — երբեմն — մեծ պահոց օրերը անցնելու : Աղ ու հաց բարեկամութեան , խաղաղութեան , առատութեան եւ հպատակութեան ալ խորհրդանշան է . որովհետեւ արեւելեան սովորութեամբ՝ ժողովրդեան կողմէն իշխաններու եւ թագաւորներու կը մատուցուին անոնք ամէնէն մը մէջ , երբ ասոնք այցելեն ո՛ր եւ է քաղաք կամ գիւղ իրենց իշխանութեան մէջ :

**Թ. ԱՒԱԳ ՇԱՐԱԹ** , որ Զատկաշաբաթ , Զատիկ շաբաթ ալ կ'ըսուի , կ'նշանակէ մեծ Շաբաթ : Այս անունով ճանչցուած են այն եօթն օրեր , որ Մաղկազարդէն յետոյ , ԲՇէն կ'սկսին եւ Զատիկ ճրագալոյցին կը վերջանան : Շաբաթ մը՝ որ թէ աղուհացից վերջինն է եւ թէ իւր յիշատակներով ամենէն մեծն (աւագն) է եօթը Շաբաթներուն վրայ՝ իբր ութերորդ :

Աւագ Շաբաթուան վեց օրերն ալ մասնաւոր յիշատակներու նուիրուած են .

Աւագ ԲՇ. Չորցած Թգենիին .

Աւագ ԳՇ. Տասը կուսանաց .

Աւագ ԴՇ. Քրիստոսի Իւղով օծման՝ կնոջ ձեռքով .

---

(1) Թրքերէն *թուգիմէֆ* խոնարհ բացատրութիւնը բառական իմաստով նոյն է աղուհացի հետ , բայց տարբեր առումով աւելի ընդարձակ իմաստ կուտայ զորօր . *թուգ* կ'իմեայիւզ վառ (ամենէն քիչը՝ աղուհաց կերած ենք միասին , սեղանակից եղած ենք , բարեկամութիւն , մտերմութիւն ունինք) *թուգ* կ'իմեայ գատը պիլիթ , աղուհացի (կերակուրի , սեղանակցութեան , բարեկամութեան , մտերմութեան) յարգը գիտէ եւայլն :

Աւագ ԵՇ. Ս. հաղորդութեան <sup>(1)</sup> եւ Ոսկուայի .  
Աւագ Ուր. Զարչարանաց, Խաչեղութեան եւ Թաղման.  
Աւագ ՇԲ. Ճրագալոյց .

Աղոռնացի կամ Մեծ պահի կամ Աւագ պահի կ'ըսուին նաեւ Քառասնորդական պահի կամ պարզապէս Քառասնորդի . որովհետեւ Քրիստոսի քառասնօրեայ ծոմապահութեան հետեւութիւն մըն է այդ :

Բայց ինչպէս վերեւ (էջ 21) ալ դիտել տուինք , հիմակուան մեծ պահքը ո'չ թէ քառասուն , այլ քառասուն ութ օր է :

Նախնիք ճիշդ քառասուն օր պահած ըլլալու համար՝ կամ 48 օրերուն կիրակիները ուտիք (նաւակատիքի կերակրով) կ'ընէին <sup>(2)</sup> եւ կամ աւագ Շարաթը կ'ուտէին՝ դարձեալ նաւակատիքով :

Այս երկու կերպերը , սակայն , բնաւ հետք մը թողած չեն մեր արդի սովորութիւններուն մէջ : Շատոնց ի վեր աւելի նախամեծար համարուած է ամբողջ մեծ պահքը չաւրել :

Ծանօթ . — Մեծպահքի ծագումը երկու օր եղած է նախ (տե՛ս Վարդապետքիւն Առաքելոց եւայն Ն. Յ. Տաշեանի էջ 45-82) : Ատեն եղած է որ 70 օր կարգադրուած է մեծ պահքի համար՝ Առաջաւորաց պահքէն մինչեւ Զատիկ եւ յետոյ Կիւրեղ եպիսկոպոս երկու շաբաթը Բարեկենդանի վերածեր է (տե՛ս հին Այսմաւուրք էջ 553 տպ. ՌՃՀԹ) :

---

(1) Մեր Սուրբ Եկեղեցին Ս. հաղորդութեան տօն չունի. հին Օրացոյցներու մէջ տգիտօրէն ներմուծուած բան մ'էր անդախի տօն մը :

Աւագ Հինգշաբթին Կիրակի է միւս Կիրակիներուն պէս :

(2) Այս կերպը կ'յիշատակէ Ս. Օհան Օճնեցի Հայրապետը (Ըրդ դար) :

**10. ԶԱՏԻԿ .** — Քրիստոսի Յարութեան օրը , որ մասնաւորապէս մեր մէջ Զատիկ գեղեցիկ կոչումն առած է : Այս անունը կամ Հայոց հին հաւատքէն մնացած տօնի մը անուն է եւ կամ Գառնուկ , Ոչխար նշանակող անուն մը (տե՛ս Արեւելք 1893 Մարտ 26 Աւագ Ռարբարի թիւը) :

Ի՞նչ ալ ըլլայ Զատիկ բառի ծագումը , քրիստոնէական եկեղեցւոյ ամենէն մեծ տօնն է այդ եւ երբ Զատիկը լայն իմաստով՝ տօն ուրախութեան առնուի , կ'ըսուի նաեւ մեծ Զատիկ (իսկ Ծնունդը ռաւիօրէն պզտիկ Զատիկ) : Զատիկը կը տօնուի ճիշտ քառասուն օր : Այդ քառասուն օրերու թաւորն ալ Քրիստոսի Յարութեան նուիրուած են , բայց կիրակիները մասնաւորաբար յիշատակներ ունին քրիստոնէութեան նկատմամբ <sup>(1)</sup> :

**11. Ա. ԱՌԱՋԻՆ ԿԻՐԱԿԻՆ , Զատիկը , Քրիստոսի Յարութեան տօնն է :**

**Բ. ԵՐԵՐՈՐԴ ԿԻՐԱԿԻՆ** կոչուած է նաեւ Նոր կիրակի կամ կրկնագատիկ : Նոր կիրակի՝ որովհետեւ Քրիստոսի Յարութենէն յետոյ առաջին նոր կիրակի մ'է Քրիստոնէութեան համար , որ սկսած էր տարածուիլ , աւետարանուիլ : Կրկնագատիկ = Կրկին Զատիկ , երկու Զատիկ) կոչուած է , որովհետեւ արդէն Յարութեան Զատիկ՝ օր ըլլալով հանգերձ , Քրիստոնէութեան ալ նոր կիրակիին յիշատակը կը տօնուի այդ օրը : Նոր կիրակին շատ լաւ երգած է Շնորհալի Հայրապետ իր «Նո-

---

(1) Զատիկն սովորութիւն է կարմիր հաւկիթ ուտել վաղնջական սովորութեան համեմատ . շատ տեղ հաւկիթը կը ներկեն անպատճառ Աւագ Հինգշաբթի օր :

Բուն Բարեկենդանին սովորութիւն եղած է , վերջին ուտելիքն ընել խաշած հաւկիթը , կամ ինչպէս կըսեն՝ հաւկիթով կը կնքեն ուտիքի կերակուրներուն շարքը եւ Զատիկն կը քակեն կնիքը կաւմիտ հաւկիթ ուտելով ձրազաւոյցին :

ըողեալ Կղզիք» Շարականին մէջ, որ այդ օրուան «Օրհնութիւնն» է :

**Ծանօթ.** — Նոր Կիրակիի երկուշաբթիէն սկսեալ մինչեւ Հոգեգալուստ ամէն օր Չորս գլուխ Աւետարան կը կարդացուի սա կարգով .

Առտուն՝ Դուկասէն  
Ճաշուն՝ Յովհաննէսէն  
Երեկոյեան առաջին՝ Մատթէոսէն  
Երեկոյեան արձակումին՝ Մարկոսէն :

Եւ գլուխները ա'յնպէս մը բաժնուած են որ մինչեւ Հոգեգալուստին չաբաթը կը կարդացուին բոլոր աւետարանները մինչեւ չարչարանաց պատմութիւնը, եւ Շաբաթ «լրումն է կարգի տնօրինականացն յարութեան եւ աւետարանացն» (Տօնացոյց) :

**Գ. ԵՐՐՈՐԴ ԿԻՐԱԿԻՆ Կոչուած է Կանաչ<sup>(1)</sup> Կիրակի**  
կամ Աշխարհամատարան Կիրակի .

Կանաչ Կիրակի Կոչումը չենք գիտեր թէ 'նախօսական բան մ'ունի՞ր. միայն փոխաբերաբար առնելով՝ կը հասկնանք Քրիստոնէութեան աճումն ու կանաչացումը : Եւ ճիշտ այս պատճառաւ ըսուած է Աշխարհամատարան Կիրակի, որովհետեւ այդ օրն է որ կը տօնուի Քրիստոսի տիեզերական եւ նոր կանաչացած եկեղեցւոյն հաստատութեան յիշատակը : Այդ օրը չատ մեծ նշանակութիւն ունի եւ Հայոց եկեղեցին իւր լայն ոգիով Քրիստոնէական եկեղեցւոյ հաստատութեան կը նուիրէ զայն առանց ազգային կերպարանք մը տալու :

---

(<sup>1</sup>) Կանաչ եւ Կարմիր Կոչումները Տօնացոյցի մէջ նշանակուած չեն : Աւանդաբար եկած հասած են մեզ եւ կ'նշանակուին Օրացոյցներու մէջ :

Ո՛րչափ շինիչ է գիտնալ այս օրուան խորհրդաւորութիւնը : Երանի՛ թէ բոլոր եկեղեցիները գիտնային զայն : Աշխարհամատուռն , որ կը նշանակէ բոլոր Քրիստոնեայ հաւատացելոց մատուռը , եկեղեցիին՝ առաջին անգամ Երուսաղէմի մէջ նոյն իսկ Առաքելոց ձեռքով հաստատուած եկեղեցիին՝ նշարուած անունն է , եւ այդ եկեղեցին բովանդակ Քրիստոնէութեան կը վերաբերէր , որովհետեւ դեռ չկային ազգային եկեղեցիներ :

**Դ. ԿԱՐՄԻՐ ԿԻՐԱԿԻ .** — Այս կոչումը բանաստեղծական է եւ կը խորհրդաւորէ կարմիր Քրիստոսի ներկայութիւնը իւր նորահաստատ եկեղեցւոյն մէջ : Ոմանք Կարմիր անուանեցին Նոր Կիրակին ալ : Ամէն պարագայի մէջ խաչի արեամբ ներկուած Քրիստոսի յատուկ յիշատակին տօնախմբութիւնն է :

«Կարմիր անուանի  
Օրս այս հազելի ,  
Զի Տէրն երեւի  
Որպէս ի Զաակի  
Օրըն Կիրակի .  
Եւ այն զի կոչի  
Կարմիր Կիրակի  
Եւ յոյժ պատշաճի  
Զի արեամբ ծաղկի» :

(Տէս Հայկազեան Բազիրք)

**Ծանօթ .** — Ընդհանրապէս խօսելով , Զաակի բոլոր կիրակիներն ալ Քրիստոսի եկեղեցւոյն հաստատութեան նուիրուած են , որովհետեւ այդ օրերուն մէջ քրիստոնէութեան ծագումն ու տարածումը կ'պատմուի բոլոր ընթերցուածներով եւ կ'երգուի շարականներով :

(Եկեղեցւոյ յատուկ տօներու մասին տե՛ս վարը :)

**12. ԵՐԵՒՄԱՆ ԽԱՅ .** — Զատկի հինգերորդ կիրակին՝ Երեւման խաչի նուիրուած է : Երեւման խաչ կը նշանակէ խաչին տեանուիլը , որ տեղի ունեցած է Երուսաղէմի եկեղեցւոյն մէջ՝ Կիւրեղ եպիսկոպոսի ժամանակ եւ նոյն ինքն Կիւրեղն է որ այս Երեւմանը գրի առած է նամակի ձեւով եւ հաղորդած է զայն իրեն ժամանակակից Կոստանդիանոս Բ. կայսեր (337) : Այս նամակը թարգմանուած է հայերէնի եւ կը կարդացուի Երեւման խաչի օր Անդաստանի ընթերցուածներու շարքին մէջ , Պօղոս Առաքեալի թղթէն առաջ եւ կ'սկսի «Թագաւորի Աստուածասիրի» բառերով : Այս գրուածքը քիչ մը շողորթական կ'գտնեն բանասէրք (հակառակ Կիւրեղի յայտարարութեան) եւ կ'խորհին որ գրած ըլլալու է Կոստանդիանոսը շահելու եւ ամրացնելու համար քրիստոնէութեան մէջ :

**13. ՀԱՄԲԱՐՁՈՒՄ .** — Զատկէն 40 օր համբուով , վեցերորդ շաբթուն ճիշդ հինգշաբթի օրը՝ կ'սօնուի Քրիստոսի Համբարձումը Զիթենեայ լեռնէն : Տասը օր կը տեւէ այս տօնը եւ սասնըմէկերորդ օրը կը տօնուի Հոգեգալուստը :

**Ծանօթ .** — Համբարձումը՝ հասարակօրէն Վիճակի օր ալ ըսուած է , պատճառը այն է որ Յուդայի տեղ մէկը ընտրելու համար Առաքեալները վիճակ ձգեցին երկու ընտրելիներու վրայ եւ Մատթեայի ելաւ վիճակը . միւսն էր Յովսէփ Բարսաբայ Յուստոս (Գործք Ա. 26) :

Վիճակի օր է նաեւ , որովհետեւ առաքեալներուն հետեւելով հայ-Քրիստոնեայ կանայք եւ աղջկունք իրենց բաղդին վիճակ կը ձգեն այն օրը մասնաւոր երգերով , հանգէսով եւ ուրախութիւններով :

Զատկէն-Համբարձում՝ քառասուն օրերը ուշիֆ են

բոլորովին , ալուհացի փոխարէն եւ մա'նաւանդ Քրիստոսի այն խօսքին վրայ թէ ցո'րչափ Փեսան ( = Քրիստոս ) իր աշակերտաց հետ է , անոնք չեն պահեր (Ղուկ . Ե. 34-35) :

Համբարձման ԵՇ օրուան անմիջապէս յաջորդող Ուրբաթէն կ'սկսին օրապահքերը : Այնթապ՝ թրքերէն Խողուն ճիւղնաւ ( = հասա ուրբաթ ) կ'անուանեն այդ օրը : Պատճառը ինքնին կ'հասկցուի :

**14. ԵՐԵՐՈՐԴ ԾԱՂԿԱԶԱՐԴ. —** Զատիկի Խօթներուդ կիրակիին անուան է , որովհետեւ այդ օրը նոյնութեամբ կ'կրկնուին Մազկազարդի բոլոր ընթերցուածները ու շարականները : Ասկէ զատ՝ ինչպէս որ Բուն Բարեկենդանէն մինչեւ Մազկազարդ քառասունք մըն է (ճիշտը 42 օր) , նոյնպէս Զատիկէն մինչեւ Խօթներուդ կիրակի քառասունք մըն է (ճիշտը 42) :

**15. ՀՈԳԵԳԱՆՈՒՍՑ կամ ՊԵՆՏԵԿՈՍՏԷ . —** Պենտէկոստէ կամ Պենտակոստէ (յունարէն Բենդիգոսդի՝) կը նշանակէ յիսներորդ , այսինքն՝ յիսուն օրերու վերջինը , զոր հրէայք կը հաշուէին սկսելով ա'յն վերջի Զատիկէն , զոր Եգիպտոսի մէջ ըրին եւ անմիջապէս ճամբայ ելան : Եւ անկէ յետոյ Եգիպտոսի Զատիկին յիշատակը յաւերժացնելու համար Պատեքին (Զատիկին) յիսներորդ օրը կը աօնէին զայն :

Եւ որովհետեւ Հոգւոյն Դալուսար՝ այդ օրը տեղի ունեցաւ Քրիստոնէութեան մէջ , Պենտեկոստէ ըսելով Հոգեգալուստ հասկցուեցաւ : Պենտեկոստէն հայացուցած են յիմունք ( = յիսուն օրեր ) բառով , բառ մը որ շատ գործածական է եկեղեցւոյ մէջ :

Հոգեգալուստը պարզ է արդէն , կը նշանակէ Ս. Հոգիին գալը կամ իջնելը Առաքելոց վրայ : Այս դէպքը



հրեղէն լեզուներով խորհրդաւորուած է : Եւ այս է պատճառը որ պատկերազրական արուեստը լեզուներու ձեւով բոցեր կը նկարէ Առաքելոց գլխուն վերեւ , հետեւելով Գործք Առաքելոցի պատմութեան :

Հոգեգալուստը կ'նկարուի նաեւ աղանիով (խորհրդանշան Ս. Հոգւոյն) , որ գլխի վայր սուր թռիչքով կ'վազէ եւ իւր բերնէն կ'թափէ բոցեղէն լեզուներ : Իմ ձեռագիր մէկ տօնացոյցի լուսանցքին վրայ այսպէս նկարուած է ոսկեզօծ :

Ս. Ներսէս Շնորհալի Հայրապետը կարգադրեց որ եօթնօրեայ հանդէսով տօնախմբուի Ս. Հոգւոյն գալուստը եւ այս առթիւ յօրինեց Հոգեգալստեան գեղեցիկ շարականները եւ տօնախմբութեան հինգ օրերն ալ պահք ըրաւ «անլուծանելի» : Այս շարաթապահքը Եղիական կ'ըսուի , որովհետեւ Հոգեգալուստէն յետոյ հանդիպող առաջին կիրակի օրը , Եղիա Մարգարէին (Գ. Թգ. Գլ. Ա-Ե) յիշատակը կ'կատարուի :

Այս տօնի շարականներու եւ ընթերցուածներու ճոխացումին արդիւնքն է որ Լամբրոնացիին ալ «Ստիպիմք ի սիրոյ» երկար աղօթքը կարգադրուած է կարգացուիլ : Ես ունիմ Ձեռագիր երկու Տօնացոյց , որոնց մէջ Օհան Ոսկեքերանի երեք աղօթքները , որ առտուն պատարագի ժամուն կը կարդացուին այժմ , երեկոյեան թողուած են «Ստիպիմք»էն առաջ : 1722ին «ի տպարանի Պարոն Կարապետի որդի Տրուպ Աստուրի» տպագրուած Ճաշոյի մէջ ալ հրահանգ կը տրուի որ Ոսկեքերանի երեք աղօթքները երեկոյեան կարդացուին , այսինքն՝ «Հայր Գլխած»էն յետոյ Աւետարան մը , յետոյ երեք աղօթքները եւ յետոյ Լամբրոնացիինը :

Այդ երկու Ձեռագիր Տօնացոյցներուն համեմատ , «Բայց են ոմանք որ յառաջ քան զԽոնարհեցան կարգան զաղօթքն ի Թաքորն եւ ապա սկսանին Խոնար-

հեցո Ապրեցո, կամք քո է : Եւ աւարտ աղօթիցն եւ գրոցն թէ յիշատակարան լինի կարգան : Բայց ննջեցելոց շարական ասեն , Սղ. Երանի ում իող . Աւետարան հանգստեան . զկնի Հոգւոցն հանգուցելոց , Քրիստոս որդի , Հայր մեր որ յերկինս , եւ արձակեն եւլն : Սահմանեաց Ս . Ներսէս զի Համարձմանէն մինչեւ ցՊենտեկոստէն պահեսցեն եւ թէ՛ ծանր թուեսցի պահել զբովանդակն , զԴշ . եւ զՈւրբ . պահեսցեն : »

Ունիւմ ուրիշ Զեռագիր Տօնացոյց մը , զոր ես ձեռքովս ընդօրինակեցի Ստեփանոս Գոյներ Երիցանցի ինքնագիր Տօնացոյցէն , որուն մէջ Համբրոնացիին «Ստիպիւք ի սիրոյ» աղօթքը չկայ դեռ : Գոյներ երիցանց մինչեւ 1310-12 կ'յիշատակուի պատմութեան մէջ , Շնորհալիէն գրեթէ երկու դար յետոյ : Այնպէս որ Գոյներ Երիցանց իւր Տօնացոյցին մէջ ո' եւ է յիշատակութիւն չընեն Շնորհալիի կարգադրած «անլուծանելի» պահոց մասին , ո'չ ալ Հոգեգալուստին յաջորդող Առաջին կիրակին Եղիա մարգարէի յիշատակը կընէ : Այդ կիրակիին ընթեցուածներն ու երգերը բոլորովին «Եկեղեցւոյ» են տարբեր հիմակուան Տօնացոյցի այդ օրուան համար նշանակածներէն : Գոյներ Երիցանց այդ կիրակին կ'անուանէ «Բարկեկոսան անստան աղոթնացից : »

Աւելորդ չենք համարիր յառաջ բերել Գոյներ Երիցանցի Տօնացոյցին կարգադրութիւնը :

Առաւօտուն Անդաստանէն յետոյ , կ'յաւելու . «Եւ աւրհնին Անդաստանն եւ զԱշխարհն եւ երթան ի գերեզմանն . Շրկն . Ղազարու եւ Հանդոսեան . աղօթք , Քրիստոսի որդի Աստուծոյ եւ գան ի դո՛ւռն պաշտելով կցորդ կամ Շրկն . Քրդ . Խնդր . Աղթք . Քու՛մ ամենազօր : »

Երեկոյին՝ առաւօտեան գիրք Աւետարան . «Եւ Տեառնագրեն զԱնդաստանն եւ ի դառնալն սկսանին Խոնարհեցո եւ Ապրեցո՛» եւայլն : Հայր Գթածէն յետոյ ,

Սզմ. Աւետարան : Զկնի Աւետարանիս Շրկն . ԴԶ.  
Առաքելոյ աղանոյ , երիս տունս ասա՛ , Քրդ. եւ եւս  
խաղաղութեան , աղօթք հանդերձ ծունր զնելով , եւ  
ապա կարգան զաղաւթս զմր ասացեալ է սրբոյն Յով-  
հաննու Ոսկեքերանին ի Սուրբ Երրորդութիւնն , Ամե-  
նակալ անարատոյ Աստուած : » Ծիշդ հիմակուան Տօնա-  
ցոյցի կարգադրութեամբ կը շարունակուի եւ կ'յաւելու  
« Յաւարտ աղաւթիցն թէ յիշատակարան լինի կարգան և  
եւ ննջեցելոց Շրկն. Սզմ. Երանի՛ ում թողութիւն ,  
Ազ. Քրիստոս որդի Աստուծոյ . . . » :

Դիւով Հոգեգալուստին յաջորդող առաջին կիրա-  
կիւն, Գոյներ Երիցանց կ'ըսէ « Կիրակի տաւն է անպատ-  
ճառ Ս. Հոգւոյն զոր կամիս ի յանցեալ աւուրցդ ասա  
նոյնպէս զալելուքն » եւ այլն. եւ յետոյ՝

« Ո՛վ տաւնասէր եւ Աստուածասէր թէ կամիս տօ-  
նել Ս. Հոգւոյն խրատովդ , գրեցաւ որպէս էր Դէորդ-  
եայն Վարդապետի : Այլ զկիրակէս զայս յետ հոգւոյ  
գալստեանն , ես նուասա գրիչս՝ Ստեփաննոս , մակա-  
նուն Գոյներ Երիցանց , ութ եւ տասն ամ կացի առ  
ոտս սուրբ վարդապետին մեծին Դէորդեա Լամբրաւ-  
նացւոյ եւ կարի հարուստ լուեալ եմ ի նմանէ , ունիմ եւ  
իւր ձեռացն գիր վասն կիրակիին , որ մեր Ս. Լուսա-  
ւորիչն Սուրբն. Դրիգոր յայս կիրակէս Եկեղեցւոյ տաւն  
է կարգել , Ահ. Գձ. Ուրախ լեր սուրբ : Հ. Այսաւր պայ-  
ծառ . իւր սարաւք , եւ այս շարտկան իւրն իսկ արար-  
եալ է յոր եկն Ռըստակէս որդի իւր ի Ժողովոյն Նիկիոյ -  
վասնորոյ եւ յիշէ՝ Կեցո՛ զորդի ծառայի (¹) : Արդ եթէ

(¹) Դոյներ Երիցանց և նոյն իսկ Դէորդ Լամբրոնացին, կը սխալին՝  
« Կեցո՛ զորդի ծառայի քո », շարականը Լուսաւորչին վերագրելով : Հա-  
ւասարապէս կը սխալին Ս. Սահակի վերագրողներն ալ : Լուսաւորիչ՝ հայ  
զրեբու գիւտէն յառաջ ո՛չ կրնար գրել և ո՛չ ալ կրնար երգել այդ-  
պիսի շարական մը : Իսկ Ս. Սահակի վերագրել, պատմականապէս սխալ

Եկեղեցւոյ տաւնեւ . Դու զեկեղեցւոյ կարգն կատարէ » :

« Եւ դարձեալ եթէ ոչ կամիս զհոգւոյ գալստեան տաւնն ութաւրէիցն զաւրն ի լման տաւնել , դու զգիշերն տաւնէ ' : Եւ ի ճաշոյն ի վեր զպահոցն կարգն կատարէ ' : Եւ այլ թէ խստապարանիս եւ ոչ կամիս զուրբ աւուրն , դու սկիզբն արա ' ապաշխարութեան հարցնե-րոյն » :

**16. 80Ն ԿԱԹՈՒՂԻԿԷ ԵԿԵՂԵՑԻՈՅ ՍՐԲՈՅ ԷՋՄՐԱԾՆԻ.**— Հոգեգալուստէն ետքը , երկրորդ կիրակին , կը տօնուի Հայոց Առաջին Եկեղեցւոյն հիմնարկութիւնը Էջմիածնի մէջ , Ս. Գրիգոր Լուսաւորչի ձեռքով : Այս տօնը շատ մեծ նշանակութիւն ունի ո'չ միայն Հայոց եկեղեցական պատմութեան մէջ , այլ նաեւ բովանդակ քրիստոնէական եկեղեցւոյ պատմութեան մէջ : Հայոց Եկեղեցին՝ Արեւելեան Քրիստոնէութեան ամենէն հին եւ ամենէն հաւատարիմ հաստատութիւններէն է : Հայոց Եկեղեցին Քրիստոնէութիւնը պահպանած և տարածած է իւր շրջակայքը :

Ս. Գրիգոր Լուսաւորչի խանդավառ գործունէութիւնը , որ վերջապէս Եկեղեցիներու յինութիւններով ալ իւր նպատակին կը հասնէր , Էջմիածնի Կաթողիկէին հիմնարկութեան տարեդարձին հետ կը փառաւորուի դարերէ ի վեր :

Դիտելու է որ այս Կիրակին կանխող չաբախ օրն ալ

---

է . իրաւ՝ այդ Շարակնը Սահակ մ'է երգողը . բայց Սահակ Գ. Ձորափո-րեցին (677—703)՝ ճաւանաբար 685ի ատենները, Աշոտ Պատրիկի՝ Դա-րիւինց մէջ վերանորոգած եկեղեցւոյ նաւակատիքին առթիւ . Որովհետեւ Աշոտն է որ 'պատրիկութեամբ վերապատուեցաւ Նոր Հռովմայ (—Կ. Պոլ-սի)՝ զանէն . Ս. Ներսէս Լամբրոնացին ալ Կ'յիշէ «Կեցո՞ղ զորդիս, երգը և անոր մէջ յիշուած Հռովմով Կ'հասկնայ» Կ. Պոլիսը (Լամբրոնացի էջ 230) : Տե՛ս նաև Տ. Տ. Մաղաքիա Ս. Պատրիարքի 1899 մայիս 24 թուակիր և 129 թիւ հոշակաւոր Կոնդակը :

նուիրուած է Ս. Գրիգոր Լուսաւորչի «Եղանկոյն ի վի-  
րային» :

**Ծանօթ .** — Էջմիածնի մէջ տեղական շքեղ հանդէս-  
ներ ալ կ'կատարուին այդ օր : Պատարագէն ետքը հայ-  
րապետական մաղթանքներ կ'ըսուին հանդիսաւորա-  
պէս : Իսկ գիշերը լուսավառութիւններ կ'ըլլան Էջ-  
միածնի Տաճարին և Ճեմարանի գաւիթներուն մէջ .

**13. ԳԻՒՑ ՆՇԵԱՐԱՑ ՍՐԲՈՅՆ ԳՐԻԳՈՐԻ ԼՈՒ-  
ՍԱՒՈՐՁԻՆ .** — Հոգւոյն պալատեան Գրգ կիրակլին բա-  
րեկենդան է եւ չարաթ օր կը տօնուի մեր Ս. Գրիգոր  
Լուսաւորչի նշխարաց դիւտը : Այս չարաթը թէեւ պահ-  
է , բայց տօներ կը կատարուին : Լուսաւորչի համար կը  
պատմուի թէ իւր ծերութեան օրերը բոլորովին առանձ-  
նութեան մէջ անցնելու համար կաթողիկոսական աթոռը  
յանձնեց իւր Արիստակէս որդւոյն եւ ինքն քաշուեցաւ  
Սեպուհ լերան վրայ , շատ քիչ անգամ իջնելով քաղաքը :  
Նա վախճանեցաւ լերան վրայ իբր միայնակեաց՝ ծառի  
մը (ըստ Համէնյուց աւանդութեան Գիւնի = Արտըճ) փո-  
րոգին մէջ , եւ հովիւ մը պատահումով , գտաւ անոր  
անշնչացած մարմինը եւ հոչակեց : Ահա այս դէպքն է  
որ Գիւն նշխարաց կըսուի եւ Լուսաւորչի ամենէն մեծ  
տօնն է Եկեղեցւոյ համար , որովհետեւ չարաթապահքով  
կ'պատրաստուի Եկեղեցին տօնելու իւր Լուսաւորչին  
վախճանը , Գիւտ նշխարաց անուան տակ :

Սեպուհ լերան վրայ յետոյ յինուեցաւ Ս. Լուսա-  
ւորչի անուամբ եկեղեցի մը , ուր մեծ հանդէսով կը  
տօնուէր Լուսաւորչին այդ տօնը : Պրոգ կոչուած Յով-  
հաննէս գիտական վարդապետը (որ Շնորհալիի Մատ-  
թէոս Աւետարանչի վրայ գրած եւ պակաս թողած մեկ-  
նութիւնը ԺԲրդ Գլխէն շարունակեց եւ լրացուց) «Լե-  
րինք ամենայն ցնծասցեն» հոգեշունչ շարականը երգած

է : Պրոգ այդ առթիւ ուրիշ ներդրողներ ալ յօրինած է  
Լուսաւորչի համար :

**18. ԳԻՒՑ ՅՓՈՅ.** — Տիրամօր յիշատակը փա-  
ռաւորելու համար՝ Եկեղեցին Աստուածածնի անուան  
եօթը տօներ հաստատած է այլ եւ այլ ժամանակներ :

Այդ տօներէն մին է Աստուածածնի Տոպիին կամ  
անտուկին գիւտը (= գտնուիլը) : Կը պատմուի թէ երկու  
Պոլսեցի պալատական եղբայրներ , Արիտեան հերձուա-  
ծէն , քրիստոնեայ կ'ըլլան եւ Սուրբ Երկիր կ'երթան  
ուխտի Գալիլեայի սահմաններուն վրայ՝ հրեայ այրի կնոջ  
մը տան զրան առջեւ կը տեսնեն շատ մը հիւանդներ ու  
հաշմանդամներ ու ներս մտնելով կը հասկնան որ ուխ-  
տասեղի մը շինած է հրեայ կինը իր սուռն՝ Աստուա-  
ծածնի գլխագիրը (= լաջակը) պարունակող անտուկը ,  
մոմերու , ջահերու , եւ խնկերու մէջ մեծարելով : Երկու  
եղբայրներ կ'շարունակեն իրենց ճամբան գէպ ի Երու-  
սաղէմ եւ կ'խորհին իրենց վերադարձին վերցնել այդ  
անտուկը , հրեայ ջատուկին տունէն . առոր համար ճիշդ  
այդ անտուկի չափով գեղեցիկ անտուկ մը շինել կու-  
տան , ոսկեթել ծածկոցով մը . կ'վերադառնան հրեայ  
կնոջ գտնուած տեղը . գիշերանց՝ Աստուածածնի տուփն  
(= Մնտուկը) իւր մէջի աւանդովը միասին կուտան  
իրենց ծառաներուն եւ ճամբայ կը հանեն : Վերցուած  
անտուկին տեղ կը դնեն իրենց շինել տուածը եւ առա-  
ւօտուն՝ իրենք ալ կը մեկնին :

Իրողութիւնը՝ Պոլիս հասնելու մօտ՝ կ'իմացնեն Լեւոն  
կայսեր , որ մեծ հանդէսով կ'հրամայէ ընդունիլ եւ կը  
կարգադրեն Յունիս Ձին տօն կատարել ամէն տարի :

Մեր եկեղեցին կը կատարէ զայն Հոգեգալստեան  
Երգ կերակին : Այս է Գիւն Տփոյ ըսուած տօնը :

**19. ՎԱՐԴԱՎԱՌ.** — Քրիստոսի պայծառակերպութեան տօնը, Աւետարանի պատմութեան համեմատ, Վարդաւլառը Հայոց հին հաւատքէն մնացորդ մըն է իբր տօն հայ-հեթանոսութեան զիցուհիներէն ո՛ր եւ է մէկուն, զոր օր. Ոսկեծին կամ Ոսկեծղի Անահիտի ու վարդամասն Աստղկան :

Քրիստոնէական եկեղեցին փոխեց ա՛յդ տօնը Քրիստոսի ամենէն հրաշափայլ մէկ տօնին՝ Այլակերպութեան, լաւ եւս, պայծառակերպութեան հետ. եւ վարդաւլառը համեմատեց Քրիստոսի թէ իբր կարմիր վարդ եւ թէ իբր ճերմակ վարդ փայլումը Սուրբ լերան վրայ :

Հոգեգալստեան վեցերորդ կիրակին՝ բարեկենդան է Վարդաւլառի եւ շարաթապահքէ յետոյ կը տօնուի վարդավառը մեծ հանդէսով :

Հայ-հեթանոսական նշմարներ մնացեր են Վարդավառէն : Այդ տօնի առթիւ դեռ շատեր ջուր կը սրսկեն իրարու վրայ, երբեմն վարդեջուր կը սրսկէին, աղաւնի կը թոցնէին : Այժմ մի միայն ջուրի սրսկումը մնացեր է, եւ ասի իբր զուարճութիւն մանուկներուն :

Այս բոլորի մասին տե՛ս կրօնախերթ Մասիսի «վարդավառի յատուկ» թերթը (ԽՅ. տարի, 30 Յունիս 1896 թիւ 5 : Տե՛ս նաեւ Բիւզանդիոն թիւ 523) :

**20. ՇՈՂԱԿԱԹ.** — Ս. Լուսաւորչի Տեսեան համեմատ Միածնին իջումով հայ-քրիստոնէութեան առաջին Եկեղեցւոյ Տեղւոյն վրայ լոյս ու շող կաթեցաւ եւ Լուսաւորիչ հո՛ն հիմնեց առաջին Եկեղեցին : Էջմիածին, Լուսակաթ, կամ Շողակաթ սիրուն կոչումին սակ կը տօնուի Հայոց առաջին Եկեղեցւոյ հիմնարկութեան տօնը, հաստատապէս Աստուածածնի վերափոխման Շարաթ օրը, որուն յաջորդ օրը՝ կիրակին՝ վերափոխումը կ'ատօնուի :

Շողակաթի եւ Տօն Կաթողիկէ Եկեղեցոյ Էջմիածնի տօները միեւնոյն սկզբունքը եւ միեւնոյն նպատակը ունին :

**Ձ1. ՎԵՐԱՓՈԽՈՒՄ Ս. ԱՍՏՈՒԱԾԱԾՆԻ.**—Տիրամօր նուիրուած ամենէն մեծ եւ ամենէն հանդիսաւոր տօնն է որ կ'կատարուի , ինչպէս ըսինք վերեւ (էջ 11) Օգոստոսի 12-17 օրերուն մէջ պատահող կիրակին : Տիրամօր ննջումին եւ երկինք փոխուելուն տօնն է ա'յդ , որ Բարեկենդան ունի , հետեւաբար եւ Շարաթապահք : Այս տօնը Շնորհալի Հայրապետ իննօրեայ հանդէսով փառաւորեց : Այս տօնի մասին երկար գրած ենք Բիւզանդիոնի մէջ (Տե'ս թիւ 552, 553) :

**Ձ2. ԳԻՒՑ ԳՕՑԻՈՑ.**— Տիրամօր նուիրուած տօներէն մին ալ անոր գօտին գիւտն է , որու մասին մեր Այսմաւուրքին մէջ իսկ երկար պատմութեան տեղ՝ երկար ներքող մը նուիրուած է Տիրամօր : Մանրամանութիւնք կը պակսին : Սաչափը յայտնի է թէ Աստուածածնի գօտին կ'գտնուի Երուսաղէմի մէջ եւ Կ. Պոլիս կ'փոխադրուի , մեծ հանդէսներ կ'սարքուին , եւ այս առթիւ Ս. Աստուածածին անունով եկեղեցի մ'ալ կը շինուի , ամէն տարի , Օգոստոս 31ին , տօնելու պայմանով : Մեր եկեղեցին Աստուածածնի Գրգ կիրակին կը տօնէ «Գիւտ Գօտոյն» :

**Ձ3. ԽԱԶՎԵՐԱՑ.**— Խաչեալ Գրիստոսի խաչին վերացման կամ քառնացման առթիւ կատարուած քրիստոնէական ամենէն մեծ տօնն է՝ բոլոր քրիստոնէական հին եկեղեցիներուն համար : Ունի Բարեկենդան եւ Շարաթապահք : Սեպտ. 14ին կը տօնուի ծագումով , բայց մեր եկեղեցին կը տօնէ Սեպտ. 11—17 օրերուն մէջ



հանդիպող կիրակին : Տօնը ութօրեայ է Ծնունդի պէս :  
Խաչվերաց կամ Խաչվերաց կը նշանակէ խաչին վերացումը կամ բարձրացումը , որու մասին վանազան խորհրդածութիւններ կան , ինչպէս խաչի գլուխն կամ Մեծն Կոստանդինոսի տեսած խաչին բարձրացումը կամ խաչին՝ գերեզարձին առթիւ եղած բարձրացումը :  
Խաչը ատեն մը գերի ընկաւ Պարսից ձեռքը . Հերակլ կայսրը (610—641) յատկապէս պատերազմ հրատարակեց Պարսից դէմ , յաղթեց , աղատեց խաչը եւ փառաւոր հանդէսով Պոլիս ստարաւ : Խաչին գերեզարձը մեծ օր մ'եղաւ բոլոր քրիստոնեայ եկեղեցիներու համար : Բնական է որ խաչվերացը՝ աւելի հին պատմութեամբ , կը կապուի Մեծն Կոստանդինոսին , Գողգոթայի եւ Սուրբ գերեզմանի վրայ շինել տուած եկեղեցիներուն (իւր մօր Հելլինէի ձեռքով) բուն խաչի դիւտի յիշատակն ալ միացնելով : Զորարդ զարուն՝ Տիւրոսի Սիւնհոգոսը նուիրագործեց Կոստանդինոսեան եկեղեցիներու տարեգարծն ու Խաչի Տօները : Իբր ընդհանուր՝ Երուսաղէմի մէջ մեծ հանդէսով կը կատարուէր : Երուսաղէմէն Պոլիս անցաւ եւ Պոլսէն Հոսովմ՝ Եօթներորդ դարուն մէջ , Խաչի գերեզարձին առթիւ եւ միեւնոյն ատեն , ինչպէս Հայոց նոյնպէս բոլոր Քրիստոնեայ եկեղեցիներու համար ամենէն մեծ տօներէն մին եղաւ Խաչվերացը : Խաչվերացի առթիւ է որ մեր եկեղեցին իւր ամենէն հանդիսաւոր թափօրը եւ վերջին անգաստանը կ'ընէ : Խաչի առթիւ երգուած բոլոր շարականները սքանչելի են եւ շարականական մատենագրութեան գոհարներն են թէ՛ ներշնչումի եւ թէ՛ զրական տեսակէտներով :

**ՁԿ. ՅՕՆ ԵԿԵՂԵՑԻՈՑ. —** Եկեղեցին ալ ունի իրեն սեփական տօներն , որոնց նախատակն է Եկեղեցւոյ բարերար հիմնարկութիւնը շէշտել : Եկեղեցւոյ տօները

սերտ կռաւ մ'ունին խաչի տօներուն հետ : Ուրովհետեւ Քրիստոսի մահը խաչի վրայ՝ հաստատութիւնն է եկեղեցւոյ , այնպէս որ խաչն ու եկեղեցին իրենց ամենէն բարձր իմաստով կը տօնուին հանդիսաւորապէս . այսինքն՝ ոչ թէ խաչին նիւթը կամ եկեղեցւոյն նիւթական շէնքը , այլ բուն իսկ խաչն ու եկեղեցին իրենց վերացեալ իմաստով : Քրիստոսի մահուամբ իւր եկեղեցին հաստատուեցաւ :

Վերացման խաչի ածնական օրերը գիրկընդխառն կարգադրութեան մը համեմատ կ'փառաւորուին :

Խաչվերացի պահքին բուն շաբաթ օրը Տօն Եկեղեցւոյ է արդէն եւ մնացածները սա կարգով են .

Առաջին կիրակի Տօն խաչի (= Խաչվերացի ) .

ԲԾ. Տօն Խաչի

ԴԾ. Տօն Եկեղեցւոյ

ԴԾ. Տօն Եկեղեցւոյ

ԵԾ. Տօն Եկեղեցւոյ

Ուր. Տօն Խաչի

ՇԲ. Տօն Խաչի :

Ինչպէս կը տեսնուի , նաւակատիք շաբաթ օրն ալ միասին առնելով , Չորս օր Եկեղեցւոյ եւ Չորս օր ալ Խաչի տօն է . ուրիշ խօսքով ութ օրէքին կէսը Խաչի տօն է եւ կէսը՝ Եկեղեցւոյ :

**ՅԾ. ՎԱՐԱԳԱՅ ԽԱՉ** — Վերացման խաչի երրորդ կիրակին կը տօնուի հաստատապէս խաչի ուրիշ տօն մը , որ մեր եկեղեցւոյն յատուկ է : Վարագայ խաչի տօնն ունի Բարեկենդան եւ Շաբաթապահք : Վարագ՝ Վանի մօտ լերան մ'անունն է , որուն բլուրներէն մին կը կոչուի Գալղիլեա , ուր կը պատմուի թէ Կոյսն Հովիտի սիմէ ապաստանեցաւ իւր ընկերուհիներուն հետ եւ

Հռիփսիմէ, որ իր վիզէն կախ տուած էր կենաց փայտէն շինուած խաչ մը Հռովմէն հալածուելու ատեն, զանի իր հալածիչներուն ձեռքը չտալու համար ծածկած է այդ լերան մէջ : Հայք երկար ատեն այդ աւանդութիւնը հաստատ պահեցին : Թոթիկ անուն ճգնաւոր մը եւ իր Յովէլ աշակերտը, այդ աւանդութեամբ տոչորուած կը փնտռէին խաչը եւ իրենց տեսիլներուն վրայ կը գտնուի խաչը ու կը դրուի Վարազայ Եկեղեցւոյն մէջ : Ժամանակին Կաթողիկոսը՝ Ներսէս Շինող (640—661) այս առթիւ փառաւոր հանդէսով կը տօնէ խաչին յիշատակը եւ կ'կարգադրէ որ տօնուի ամէն տարի Մհենկան ամսուն երկուօրէն : Եւ որովհետեւ Թոթիկի տեսիլքին համեմատ՝ լուսնդէն 12 սիւներու վրայ հանգչած էր խաչը, Վարազը կ'զարդարուի 12 նոր եկեղեցիներով : Իսկ Հին եկեղեցին, ո՛ւր այդ 12 լոյս սիւները փայլած էին, կը նորոգուի եւ կ'ոչուի Ս. Նշան եւ կ'դառնայ ուխտատեղի մը ա՛յդ կողմերուն համար :

**26. ԳԻՒՑ—ԽԱՉ.** — Բրիտոսի խաչափայտին գտնուելուն առթիւ հաստատուած տօնն է, որ կը կատարուի Խաչվերացի եօթներորդ կիրակին հաստատապէս : Բրիտոսի խաչափայտին գիւտին նկատմամբ պատմութիւնները՝ դէպքերը՝ նոյն են, բաց ի պատմութեան մէջ գործող դէմքերէն : Որովհետեւ ոմանք Կղոզիոս Բ. Կայսեր (268—270) կնոջ Պատրոնիկէ Թագուհին եւ ոմանք ալ Մեծն Կոստանդիանոսի (306—337) մօր՝ Հեղինէ Թագուհին՝ վերագրեցին խաչին գիւտը : Կարծես իրարմէ ընդօրինակուած պատմութիւն մըն է այդ : Իսկ այս պատմութեան նիւթը ծանօթ պէտք է ըլլայ շատերուն, մանաւանդ ծեր հաւատացելոց, որոնք լսած ըլլալու են Այսմաւուրքի ընթերցուածը՝ Գիւց խաչի տօնին առթիւ : Բուն պատմութեան տարերքը ասոնք են 1. Թա-

գունին փափաք կ'ունենայ Բրիստոսի խաչը գտնելու .  
2. Այս նպատակով Երուսաղէմ ուխտի կ'երթայ . 3. Գող-  
գոթայի տեղը , բռնի ուժով որոշել կուտայ («Եւ խաչ-  
տանգեալ զդասս Հրէից» Շարականի բացատրութեամբ) .  
4. Պեղումը կը կատարուի եւ երեք խաչեր , Յիսուսի եւ  
երկու աւագակաց , կը գտնուին . 5. Բրիստոսի խաչը  
երեքին մէջէն զատելու համար ննջեցեալի մը կը դնեն  
զանոնք կարգաւ եւ ննջեցեալի յարութեամբը կ'որոշուի  
Բրիստոսի խաչը :

**27. ԵՕԹՆ ՇԱԲԱԹՔ.** — Վարագայ խաչէն համ-  
բելով մինչեւ գիւտ խաչ եղած եօթը շաբաթներ , որոնց  
մէջ հարսանիք կ'ըլլայ եւ որ եւ է պատճառով չխափանիր :

**28. ՅԻՍՆԱԿ.** — Յիսնակ ըսուած է այն յիսուն  
օրերուն , որ Նոյեմբեր 18էն հաշուելով մինչեւ Յունուար  
6 կը հասնին : Երբեմն այս յիսնակը (յիսուն օրեր) բոլորո-  
վին պահք էր . ասոր ապացոյցն , որ մնացեր է ցարդ ,  
Բարեկենդանն ու Շաբաթապահքն է : Գիտենք որ բա-  
րեկենդանը մեծ տօներու համար կ'ըլլայ : Ընդհակա-  
ռակն Յիսնակի բարեկենդանին անմիջապէս մեծ տօն  
մը չյաջորդէր : Ասի կը ցուցնէ թէ ինչպէս որ Բռն քա-  
րեկենդանին կը յաջորդէ պահոց յիսնակ մը եւ անմիջա-  
պէս Զատիկը կը տօնուի , այսպէս ալ երբեմն յիսուն օր  
կը պահուէր եւ Ծնունդը կը տօնուէր : Յիսնակի պահ-  
քերը բոլորովին վերցուած չեն . որովհետեւ յիսուն օրերը  
երեք մասի բաժնուելով , մէկ մէկ շաբաթապահքի վե-  
րածուեր է . առաջինը Յիսնակաց շաբաթապահքը , երկ-  
րորդը՝ Յ. Յակոբայ շաբաթապահքը , երրորդը՝ Մննդեան  
շաբաթապահքը :

— Յիսնակամուտ՝ կը նշանակէ յիսնակի պահոց մտնե-  
լու օրը , որ է Յիսնակի Բարեկենդանին գիշերը :

**ՅԾ. ԱՒԱԳ ՏՕՆԻՔ.** — Այն չորս տօները , որ կը կատարուին Ծննդեան շաբաթապահքը կանխող շաբ-  
թուն չորս տօնական օրերուն մէջ, կ'ըսուին Աւագ Տօներ :

Աւագ (==մեծ) ըսուած են չորս զոյգ Տօներ , որով-  
հետեւ նշանաւոր անձնաւորութիւններու յիշատակը իրա-  
բու յաջորդելով իբր «բազմօրեայ» տօնախմբութիւն-  
նախապատրաստութիւնը կը կազմեն Փրկչի Ծննդեան  
տօնին , որ Աւագ տօներու Աւագն է<sup>(1)</sup> :

Առաջին Տօն. — Սրբոյն Դաւթի մարգարէին եւ Յակո-  
բայ Առաքելոյն .

Երկրորդ Տօն. — Սրբոյն Ստեփաննոսի Նախավկային եւ  
առաջին մարտիրոսին .

Յրրորդ Տօն. — Սրբոց Առաքելոցն Պետրոսի եւ Պօղոսի.

Չորրորդ Տօն. — Սրբոց Որդւոցն Որոտման Յակոբայ Ա-  
ռաքելոյն եւ Յովհաննու Աւետարանչին :

Աւագ տօները շատ կանուխ ժամանակէն կարգա-  
դրուած են : Ս. Բարսեղ Կեսարացի անոր յիշատակու-  
թիւնը կ'ընէ (Յ79). ըստ Նիւսացի Ս. Գրիգորին՝ Աւագ  
տօները սովորութիւն էր Ծնունդէն յետոյ տօնել :

Դեռ այժմ Յոյնք եւ Լատինք , զոր օրինակ . Ս.  
Ստեփաննոսը կը տօնեն Ծննդեան Բ. օրը , շատ հաւա-  
նական է որ մեր եկեղեցին ալ այնպէս ըրած ըլլայ ի  
սկզբան . որովհետեւ Ստեփաննոսի գիրքը գտնէ չէ՛ վեր-  
ցուած եւ Ծննդեան Բ. օրը կը կարդացուի Ճաշուին :

Աւելցնենք որ Ս. Ստեփաննոսի տօնը 415էն (իւր  
գերեզմանին գտնուելուն թուականը) շատ յառաջ կար  
եւ այդ թուականին աւելի եւս փառաւորուեցաւ :

---

(1) Քրիստոսի Ծննդեան Տօնը ինչպէս որ խումբ մը Աւագ Տօներով  
կը կանխուի, այնպէս ալ, ինչպէս տեսնք վերեւ , Զատիկը կը կանխուի  
Աւագ Շաբաթով մը :

Աւագ տօներու տօնելիներուն մասին տե՛ս ԱՐԵ-  
ԻՆԼՔԻ «Աւագ Տօներու Աւագ դէմքերը» խորագրին  
տակ գրուած մեր յօդուածները (Արեւելք 1895 Դեկտ. 23 ,  
25 , 26 , 28) :

Ծանօթ. — ՏՕՆԱԿԱՆ ՄԵԾ ՕՐԵՐ խորագրին տակ՝  
չուղեցինք ուրիշ տօներու եւ օրերու մասին ալ խօսիլ :  
Պրքոյկս իւր տօնացուցական շրջանակէն դուրս պիտի  
ելլէր ա՛յն ատեն :



## “ ՀԱՍԱՐԱԿԱՑ ԱՂՕԹԻՑ , ,

### ԺԱՄԵՐԸ

Տօնացոյցի բոլոր կարգաւորութիւնը «հասարակաց», այսինքն՝ ընդհանուրին, ժողովրդեան, համար շինուած է : Առանձնական հրահանգ մը չկայ Տօնացոյցին մէջ :

Բնական է որ եկեղեցիի մը կատարեալ կազմակերպութեան նշանն է , այդ եկեղեցիին ժամերգութեան , արարողութեան եւայլն , ժամերուն ու ժամանակներուն որոշուած ըլլալը՝ ընդհանուր եւ տիրող կարգապահութեան մը համեմատ :

Նախնիք այս կարեւոր կէտը նկատի առած են կաթնուի ժամանակէն : Եւ ամենէն յառաջ ընդունած են օրուան ՁԿ ժամերը եօթը մասերու բաժնել եւ ա՛յդ եօթը մասերուն համար առանձին առանձին սրաշտանոնք կարգադրել :

7 թիւը սկիզբէն ի վեր խորհրդաւոր նկատուած է , եւ ասկէ զատ երրայական սովորութեան համեմատ ալ օրը եօթը անգամ օրհնութիւն պիտի մատուցուէր Եհովային : Զայս կը հաստատէ Սաղմոսի մէջ Դաւթի «Եօթն անգամ յաւուր՝ օրհնեցից զքեզ» բացատրութիւնը :

Եօթը բաժանումները որոշ կերպով նշանակուած են մեր եկեղեցւոյ «Հասարակաց ալօթից» գիրքին , այսինքն՝ Ժանագիրքին մէջ :

Ա. — Գիշերասրաշօն , որ գիշերուան ժամերգութեան սկսուածէն կ'տեւէ մինչեւ «Հարց»ը : Այս մասը ժամագիրքին մէջ այսպէս նշանակուած է .

«Կարգաւորութիւն հասարակաց աղօթից Հայ. եկեղեցւոյ, որ կատարի ի մեջ գիշերի ի դէմս Հօր Աստուծոյ» :

Բ. — Առաւօտեան, որ «Հարց»էն կ'սկսի եւ կ'տեւէ մինչեւ Առաջին ժամ կամ Արեւազալ :

Այս երկրորդ մասը, ժամագիրքի բացատրութեամբ է .

«Կարգաւորութիւն Հասարակաց Աղօթից Առաւօտե ժամուն . որ կատարի ի դէմս Որդւոյն Աստուծոյ, որ Երեւեցաւ Իւզաբերից :

Գ. — Արեւազալ, որ արեւու ծագումէն մինչեւ օրուան երրորդ ժամը կամ ճաշուն ժամագրքի համեմատ.

«Կարգաւորութիւն հասարակաց աղօթից արեւազալի ժամուն, որ կատարի ի դէմս Հօգւոյն Սրբոյ, այլեւ ի դէմս Յարութեան Քրիստոսի եւ երեւման աշակերտացն» :

Դ. — Ծաշու, այսինքն՝ ցերեկուան կերակուրի ատեն եղած ժամերգութիւն որ համաչափօրէն երեք ժամերու կամ մասերու բաժնուած է . Յրդ, Նրդ եւ Զրդ ժամերուն կատարուելու պայմանով :

—1. «Կարգաւորութիւն հասարակաց Աղօթից Երրորդ ժամուն, որ կատարի ի դէմս Հօգւոյն Սրբոյ, եւ ի դէմս Նախամօրն ճաշակման եւ ազատութեան Քրիստոսին» :

—2. «Կարգաւորութիւն հասարակաց Աղօթից վեցերորդ ժամուն, որ կատարի ի դէմս Հօր Աստուծոյ : Այլեւ ի դէմս Հարչարանաց եւ խաչելութեան Որդւոյն Աստուծոյ : Այլեւ մահուանն եւ բանական հօգւոյն աւանդմանն» :

Ե. — Երեկոյեան, արեւու մարը մտած ատեն, որ «Խոնարհեցո, Ապրեցո»էն մինչեւ «Ի կարգալ» կ'տեւէ : ժամագիրքի համաձայն ,



«Կարգաւորութիւն հասարակաց Ազօթից Երեկոյի ժամուն , որ կատարի ի դէմս Որդւոյն Աստուծոյ , որ էջ ի խաչէն եւ պատեալ պաստառակալաւ եղաւ ի գերեզմանի» :

Զ. — Խաղաղական , որ «Ի կարգալ»էն կ'սկսի մինչեւ «Եկեացէ» կ'տեւէ :

Ժամագիրքի մէջ .

«Կարգաւորութիւն հասարակաց ազօթից խաղաղականի ժամուն , որ կատարի ի դէմս Հոգւոյն Աստուծոյ : Այլեւ ի դէմս Բանին Աստուծոյ որ եղաւ ի Գերեզմանի եւ էջ ի դժոխս եւ խաղաղութիւն արար հոգւոյն» :

Է. — Հանգսեան , վերջին պահն ազօթից . քնանալէ առաջ .

Ըստ Ժամագիրքի .

«Կարգաւորութիւն հասարակաց Ազօթից հանգսեան ժամուն , որ կատարի ի դէմս Հօր Աստուծոյ , զի պահն պանոզական աջով Միածնին պահեացէ զմեզ ի խաւարային գիշերիս » :

Այս եօթը բաժանումները սովորութիւն եղած է ամփոփել եւ կրճատել :

Այսպէս՝ Գիշերապաշտօնն ու Առաւօտեանը միացուած են , Արեւադալը ամփոփուած է Մեծպաքէն դստրս պաքի օրերուն , Ճաշու երեք մասերը միացած ու ամփոփուած են , եւ շատ տեղ ալ չըսուիր : Երեկոյեանն հաստատուն է ամէն տեղ . Խաղաղականն ու Հանգստեանը շատ տեղ չեն կատարուիր բացի Մեծպաքէն :

Միայն Մեծպաքին վերոյիշեալ եօթը բաժանումներուն պաշտամունքը երեքի վերածուելով լման կը կատարուին :

Վանքերու եւ անապատներու մէջ մանաւանդ Մեծպաքի կարգաւորութեամբ ժամերգութիւնը կ'կատարուի ընդհանրապէս :

Աւելորդ չէ՛ յիշել թէ հաւատացեալներուն կ'ազդարարուէր ժամերգութեան սկիզբները եօթը բաժանումներու համեմատ կանոնաւոր կոչնակահարութեամբ կամ ժամհարութեամբ : Ամէն բաժանում «Հայր մեր»ով կ'սկսի եւ այս միջոցին կ'ղարնուի կոչնակ, ժամնար, զանգակ եւլն . ինչ որ է ազդարար գործին : Բայց ցաւալի է որ այս կարգապահութիւնն ալ խախտած է, եւ այժմ բաւական կ'համարուի ժամերգութեան սկսուածը, Առաւօտեանը, Ճաշուն կամ Պատարագի եւ Երեկոյեան ժամերգութիւնը ազդարարել : Ասկէ զատ այս կոչնակահարութիւններն ալ ճիշդ ժամանակին չեն ըլլար :



## ԿԱՐԳ ԺԱՄԱՍԱՑՈՒԹԵԱՆ

Եկեղեցւոյ պաշտամունքը կատարելու համար պաշտօնէից փոխն ի փոխ մասնակցումը՝ սկիզբէն ի վեր ընդունուած օրէնք մըն է :

Բայց պաշտամունքը կազմող տարերք ա'յնքան ճոխ են որ , նախնիք մտադրութիւն ըրած են ամէն բան ճշդելու : Ասոր հետեւանքով իրարմէ քիչ շատ տարբեր ցոլցակներ , լաւ եւս «խրատ»ներ պատրաստած են նշանաւոր վարդապետներ . ինչպէս Թովմաս Մեծոփեցի , Գրիգոր Խլաթեցի :

Այս «խրատ»ներուն ամենէն ընդարձակն ու կատարեալն է Շնորհալի Ս. Հայրապետին պատրաստածը , որ հրատարակուած ալ է , ա'յն Ատենի Ժամագիրքին վերջերը (էջ 456—466) , որ Զաքարիա պատրիարքի օրով լոյս տեսաւ (տե՛ս գործիս Յառաջաբանը էջ Ա.) :

Այդ խրատը սա խորագիրն ունի . «Կարգաւորութիւնք Եկեղեցւոյ եւ արարողութիւնք ժամատեղեաց , Տեառն Ներսեսի Հայոց Կաթողիկոսի , որ ետ բերել ի սուրբ եւ ի հոշակաւոր աստուածաբնակ եւ հրեշտակարօն սուրբ հարցն մեծ ուխտին Մաքենեաց : Եւ ամենայնիւ ամենայն կամօք հաճեալ եւ հաւանեալ զպաւկանն ելից եւ զսխալանսն ուղղեաց . եւ կարգեաց ամենայն Հայ. եկեղեցեաց անջրելի հաստատուն աւանդ : Առաջնորդութեամբ Հոգւոյն Աստուծոյ , որ յաջողէ զամենայն բարի» :

Շատ հաւանական է որ այս խորագիրը ետքէն ճո-  
խացած ըլլայ : Իսկապէս Շնորհալիին չեն այս տողերը :

Այս խրատները գրեթէ ճշգրտութեամբ եւ աւանդա-  
կան ունակութեամբ կը պահուին եկեղեցւոյ մէջ : Ս. Էջ-  
միածնի տպարանէն հրատարակուած (1862) Տօնացոյցի  
մը հրահանգին համեմատ , աւելի ամփոփ ու ճիշդ խրատ  
մը կը տրուի Ս. Էջմիածնի Օրացոյցներուն վերջը :

Այս խրատն կամ «Կարգ ժամասացութեան»ն է որ  
այս տեղ պիտի աւելցնենք մեր խոստումը կատարելու  
համար (էջ 26) :

Եւ կը յուսանք որ , ա'յն տեղեր ուր ժամասացու-  
թեան կարգն ու կանոնը խանգարուած է , այս տեղ  
գրուած խրատին համեմատ կը բարեկարգուի կարելի ե-  
ղածին չափ :

#### Ա. — ԳԻՇԵՐԱՅԻՆ ԺԱՄԵՐԳՈՒԹԻՒՆ

Աւագ Երիցու դաս . — Հայր մեր . Տէր եթէ զչրթունս . .  
Օրհնալ համագոյ :

Աւակերտի դաս . — Տէր զի բազում . (ի հանդիսաւոր  
աւուրս յԱտեան ասի միաբան ձայ-  
նիւ) :

Աւագ . — Փառք հօր . Յիշեսցուք . Զարթիք :

Աւերս . — Զարթուցեալքս :

Աւագ . — Աշխարհ ամենայն . Առաւօտ լուսոյ . Զքէն  
Գոհանամք . Կանոնագլուխք . Հանգստեան Շա-  
րականք . Սաղմոս . Աւետարան . Այսօր անձառ .  
Աստուած անեղ . Նորոգող :

Աւերս . — Երգ՝ Արարիչ . Վասն ի վերուստ . Վասն ի գի-  
շերի . Վասն ուղղելոյ . Վասն գտանելոյ :

Աւագ . — Տէ՛ր տունջեան . Ի գիշերի եւ ի տունջեան .  
Տէ՛ր երկնի եւ երկրի . Գոհանամք զքէն . Թա-

գաւոր յաւիտեան . Ալիւուք . Սկսուածք Հե-  
տեակ Շարականաց :

Աւելրս . — Սկսուածք Օրհնութեան Շարականաց :

Բ. ԱՌԱՒՕՏԵԱՆ ԺԱՄԵՐԳՈՒԹԻՒՆ

Աւելրս . — Օրհնեալ ես Տէր Աստուած Փոխի եւ Հարցի  
Շարականաց սկսուածք . Եկեալքս ամենեքեան :

Աւագ . — Մեծացուցէ Փոխի եւ Մեծացուցէ Շարականի  
սկսուածք . Ս . Աստուածածին . Ընկալ Տէ'ր . Դո՛ւ  
ես թագաւոր . Եղիցի անուն Տեառն :

Աւելրս . — Վասն Սուրբ Տեղւոյս . Արի Տէր .

Աւագ . — Արի եւ մի' մերժեր :

Աւելրս . — Թագաւորեսցէ :

Աւագ . — Աւետարան . Ամենակեցոյց :

Աւելրս . — Զուարճացեալքս :

Աւագ . — Ողորմեա Փոխի եւ Ողորմեա Շարականի սկսու-  
ածք : Երկպագեմք քարոզ :

Աւելրս . — Օրհնեցէք զՏէր Փոխի եւ Տէր յերկնից Շա-  
րականի սկսուածք . Փառք ի բարձունս :

Աւագ . — Եւ յամենայն ժամ . Զյարութիւն Փրկչին :

Աւելրս . — Ասացուք ամենեքեան . կամ Աստուած մեծ .  
կամ Առաջնորդ եղեն . կամ Զճշնութիւն . կամ  
Մայր Սուրբ . կամ Փառաւորեսցուք :

Աւագ . — Գոհանամք զքէն . Սուրբ Աստուած . Վասն  
լսելի . Գիրք . Սաղմոս Եղիցի անուն Տեառն  
Օրհնեալ :

Աւելրս . — Աւետարան :

Աւագ . — Նորաստեղծեալ կամ Արարչական , Տուր մեզ  
Տէ'ր :

Աւելրս . — Խնդրեսցուք Հաւատով :

Աւագ . — Կեցո՛՛ Տէր :

Աւելրս . — Քում ամենազօր կամ թագաւոր իսղաղութեան կամ Առ դրան Սուրբ Տաճարիս :

Աւագ . Մանկունք Փոխի եւ Մանկունք Շարականի սկսուածք . Վասն իսղաղութեան ամենայն աշխարհի . Սիրեցի զի լուիցէ . կամ Բանից իմոց Փոխերի սկսուածք :

Աւելրս . — Սուրբ ես Տէ՛ր :

Աւելրս . — Սուրբ ճգնաւորօք :

Աւագ . — Որ ընտրեցեր կամ Պսակիչ :

Աւելրս . — Աղաչեսցուք զամենակալն :

Աւագ . — Օգնեա՛ մեզ :

Աւելրս . — Տէ՛ր ամենակալ . Եկեալքս ի խոստովանութիւնս

Աւագ . — Տէ՛ր Աստուած փրկուեթեան մերոյ :

Գ. ԱՐԵՒԱԳԱԼԻ ԺԱՄԵՐԳՈՒԹԻՒՆ

Աւելրս . — Եղիցի անուն Տեառն :

Աւագ . — Յարեւելից երգի սկսուածք . Յարեւելից քարոզ :

Աւելրս . — Յարեւելից աղօթք :

Աւագ . — Աղաղակեցէք Փոխի սկսուածք . Ճգնաւորք երգի սկսուածք . Ս . Ճգնաւորօք . Սուրբ ես Տէ՛ր :

Աւելրս . — Աստուած Աստուած իմ փոխի սկսուածք . Լոյս արարիչ երգի սկսուածք . Անեղանելի սկսուածք . Փառաւորեցաք . Զառաւօտու աղօթս :

Աւագ . — Տէ՛ր Հովուեսցէ Փոխի սկսուածք . Ճանապարհ երգի սկսուածք . Աղաչեսցուք զամենակալն . Առաջնորդ կենաց կամ Օրհնեալ ես Տէ՛ր :

Դ. ՃԱՇՈՒ ԺԱՄԵՐԳՈՒԹԻՒՆ

Աւելրս . — Ողորմեա՛ ինձ Աստուած .

- Աւագ . — Օրհնեմք զքեզ հայր անսկիզբն :
- Աւելրս . — Յամենայն ժամու աղաչանք եմ :
- Աւագ . — Միաբան ամենեքեան :
- Աւելրս . — Որ ի Քերովբէական . Տէր Աստուած օրհնեալ օրհնեալ . Խնդրեցուք :
- Աւագ . — Առաջնորդեա՛ :
- Աւելրս . — Տէ՛ր հովուեսցէ Փոխի սկսուածք :
- Աւագ . — Քարոզ Գոհարանելով :
- Աւելրս . — Խաղաղութեամբ քով . Բ. Ողորմեա Փոխի սկսուածք . Խաւարեցաւ . Յամենայն ժամու աղաչանք . Արթուն մտօք :
- Աւագ . — Զգեցո՛ մեզ Տէր Աստուած . Տէր մի՛ յիշեր . Վասն հիւանդաց :
- Աւելրս . — Փարատեա՛ . Երանի որ խորհի Փոխի սկսածք . Խնդրեցուք հաւատով :
- Աւագ . — Հայր զթութեանց . Գ. Ողորմեա Փոխի ըսկսուածք . Զարչարակցեալ :
- Աւելրս . Յամենայն ժամու աղաչանք իմ :
- Աւագ . — Սուրբ սրտիւ . Երգ՝ Նահապետին :
- Աւելրս . — Տէ՛ր զօրութեանց , Տէր մի՛ մատներ . Աղաչեսցուք . Սիրեցի Փոխի սկսուածք .
- Աւագ . — Անկեալ առաջի քո . Շարական հանգստեան (յաւուրս ուտեաց) :
- Աւելրս . — Ժամամուտ :
- Աւագ . — Զաչու փոխ . Շարական :
- Աւելրս . — Գիրք (յաւուրս ուտեաց) :
- Աւագ . — Աւետարան . Հաւատամք :
- Աւելրս . — Եւ եւս հաւատով :
- Աւագ . — Տէր մեր եւ Փրկիչ :

Ե. ԵՐԵԿՈՑԵԱՆ ԺԱՄԵՐԳՈՒԹԻՒՆ

Աւագ . Խոնարհեցո Փոխի սկսուածք :

Աւերս . — Ապրեցո՛ Փոխի սկսուածք : Լոյս Զուարթ :

Աւագ . — Եկեալքս ի մտանել արեգական :

Աւերս . — Հասեալքս ի ժամ երեկոյիս , Քարող . Հասեալքս . Հասեալքս ի ժամ երեկոյիս՝ Աղօթք :

Աւագ . — Մեսեղիքի սկսուածք . Ուղիւ եղիցին :

Աւերս . — Ասասցուք կամ Աղաչեցուք կամ Մայր Սուրբ :

Աւագ . — Լուր ձայնից . Ս . Աստուած . Վասն լսելի լինելոյ . Համարձի փոխի եւ Շարականի սկսուածք :

Աւագ . — Վասն իսաղաղութեան :

Աւերս . — Հայր զթա՛ծ . Որ քնակեալն կամ Առտ օրհնեցէք . Զբարձրեալն զՔրիստոս . Եւ մեք միաբան :

Աւագ . — Յոյս կենաց :

Աւերս . — Յիւնա՛ Տէր զպաշտօնեայս , Խնդրեցուք կամ Ս . Խաչիւս կամ Ս . Եկեղեցեալս :

Աւագ . — Քում ամենազօր , կամ Թաղաւոր իսաղաղութեան , կամ Պահպանեա , կամ ի մէջ Ս . Տաճարիս :

Աւագ . — Գիրք . Աւետարան :

Աւերս . — Ամրի՛ծքի հանգստեան Շարական . Սաղմոսն եւ Աւետարան :

Աւագ . — Շարական Աստուածածնի . Խաչի , Սաղմոս եւ Աւետարան . եւ Նախատօնակի Շարականաց սկսուածք :

Զ. ԽԱՂԱՂԱԿԱՆ ԺԱՄԵՐԳՈՒԹԻՒՆ

Աւագ . — Ի կարգալ իմում Փոխի սկսուածք . Շնորհեա մեզ Տէր :



Աւելրս . — Գոհացարուք . Տէ՛ր Բարերար :

Աւագ . — Նայեաց սիրով :

Աւելրս . — Աղաչեսցուք :

Աւագ . — Շնորհատու բարեաց :

Աւելրս . — Երանեալ են անրիծք . Բաժին եւ Արարի ի-  
րաւունս Փոխի սկսուածք . Ի քէն հայցեմք . Սճ.  
Շարական Երկնաւոր հօտ ընտրեալ . Վասն հան-  
գուցեալ . Քրիստոս Որդի :

Է. ՀԱՆԳՍՏԵԱՆ ԺԱՄԵՐԳՈՒԹԻՒՆ

Աւագ . — Առաքեա Տէր զլոյս քո :

Աւելրս . — Եկեսցէ Փոխի սկսուածք . Աղաչեսցուք՝ Քա-  
ղող :

Աւագ . — Տէր Աստուած . Խաղաղութեամբ յայս . Աւե-  
տարան :

Աւելրս . — Ընկալ քաղցրութեամբ կամ Աստուած յաւի-  
տեհական կամ Որդի Աստուծոյ :

Աւագ . — Հաւատով խոստովանիմքի սկսուածք :

Աւելրս . — Ս. զԱստուածածինն :

Աւագ . — Ընկալ Տէր , Փառք քեզ Տէր Աստուած մեր<sup>(1)</sup> :



---

(1) Թէ սկսուածք եւ Թէ արձակման «Հայր մեր» աղօթքն , նոյնպէս  
եւ Մաղթանքն վերաբերին երիցագոյն Քահանային կամ Ժամօրհնողին :

## Ծ Ռ Ա Ջ Ա Տ Ի Կ

Զատկի վրայ տոմարագիտական ծանօթութիւն մը աւելցնելու համար, աւելորդ չենք համարիր այս Յաւելաածով, Ծռագասկի խնդիրը բացատրել :

Երբ Հայերը եւ Յոյները Զատիկը միեւնոյն Կիրակիին չեն տօնել, կ'ըսուի Ծռռ Զասիկ կամ Ծռագասիկ :

Ծռագատիկը՝ Հինգհարիւրամեկի, այսինքն՝ 532 տարիներու շրջանին մէջ չորս անգամ միայն կը պատահի, այն ալ ա'յդ շրջանի մէկ մասին մէջ միայն եւ իրարմէ 95 տարի հեռաւորութեամբ :

Մեր դրած հինգհարիւրամեկի մէջ պիտի պատահի սա թուականներուն :

Ա. 2071ին + 95 = Բ. 2166ին + 95 = Գ. 2261ին + 95 = Դ. 2356ին :

Դիտելու արժանի է որ՝ ա'յն տարիներուն միայն կը պատահի ԾՌԱՋԱՏԻԿԸ, որոնց շարեգիրը (Շ) կ'ըլլայ, եօթներեակը՝ (Գ) եւ վերադիրը (Թ)։ — Տոմարագիտութեան մէջ եօթներեակը չարթուան օրերը ցուցնող գիրն է. իսկ վերադիրը՝ լուսնին օրերը ցուցնող :

Արդ՝ երբ վերադիրը (Թ), եօթներեակը (Գ) եւ շարեգիրը (Շ), քով քովի գան, այդ տարին՝ զատկական լուսնի ծնունդը Մարտ 24ին կ'ըլլայ, իսկ լուսնի Աւագ լուսնը Ապրիլ 6ին՝ Կիրակի օրը : Եւ որովհետեւ Զատիկը լուսնի Աւագ լուսնի յաջորդող Կիրակին պէտք է ըլլայ,

Ապրիլ 6ին վրայ չաբաթ մը (7 օր) աւելցնելով՝ կ'ունենանք Ապրիլ 13 : Մենք՝ Հայերս՝ այսպէս կը հաշուենք :

Իսկ Յոյները այդպէս չեն հաշուեր : Երբ մեր վերադիւրը (Թ) է , այսինքն՝ 9 , Յունացը 10 է . այսպէս զատկական լուսնի ծնունդը Մարտ 23ին կ'ըլլայ , իսկ լուսնի Աւագ լրումը՝ Ապրիլ 5ին՝ շաբաթ օրը : Հետեւաբար անմիջապէս յաջորդ կիրակի օրը՝ Ապրիլ 6ին՝ Զատիկ կ'ընեն . հետեւաբար լուսնի Աւագ լրումին յաջորդող կիրակին Զատիկ ըրած կ'ըլլան :

Հինգհարիւրամեկի ցանկին մէջ (էջ 35-36) Զատիկ ծնութիւնը , այսինքն՝ Հայոց և Յունաց Զատիկ տարբերութիւնը վերցնելու համար նօտր գրով զրուած շտաբեգիրները Հի փոխելու է : 1824 ին , որ Եւաղատիկ տարի մ'էր , համախոհութեամբ Շ տարեգրի տեղ Հ տարեգիրը գործածուեցաւ : Երուսաղէմի նորատիպ Տօնացոյցին մէջ ալ վերոյիշեալ 4 տարիներուն Շ տարեգրերը Հի փոխուած են : Մենք չփոխեցինք և ճիշդը զրինք նօտր գրերով , բայց պատճառը այստեղ հասկնալէ ետքը մեր ցուցակին մէջ ալ յիշեալ տարիներուն Շ տարեգիրները Հի փոխելու է :



# Ն Ի Ի Ք Ե Ր Ո Ւ Ց Ա Ն Կ Ը

	Էջ
ԶՕՆ . . . . .	3
ՏՕՆԱՑՈՅՑ (=Ցառաջարան) . . . . .	5
<b>ՏՕՆԵՐ</b>	
Ա. (=Ցօնի սահմանը և Ցօներու նպատակը) . . . . .	9
Բ. (=Ցօներու հաստատութեան օրերը, ընդհանուր և համա- ռօտ տեսութիւն մը) . . . . .	11
Դ. (=Անշարժ տօներ) . . . . .	12
Դ. Մասնաւոր գիտելիք Աստուածածնի, Խաչի տօներուն և Յիսնակաց Բարեկենդանի վրայ . . . . .	14
Ե. Շարժական Ցօներ . . . . .	15
Զ. (Պահոց օրերուն հանդիպող տօներ) . . . . .	17
Պահք . . . . .	18
Ուտիք . . . . .	21
Ա. (=«Միջոց ուտիք աւուրք») . . . . .	21
Բ. (=Հաստատապէս ուտիք եղող օրեր) . . . . .	22
Ուրբ ձայներ . . . . .	22
Ձայն գիւտ . . . . .	26
Հարսանիքի օրեր . . . . .	28
Եկեղեցական օրերու սկսուածը . . . . .	29
Պատարագի օրերը և ժամերը . . . . .	30

	Էջ
Քարոզի ատենը . . . . .	31
Գիր Տարւոյ . . . . .	32
Տարեգիրով Զատիկը գտնել . . . . .	39
Տարեգիրով Տօներ գտնել . . . . .	41

**ՏՕՆԱԿԱՆ ՄԵՐ ՕՐԵՐ**

1. Աստուածայայտութիւն . . . . .	43
2. Տօն Անուանակոչութեան . . . . .	44
3. Տեսուհիներու առաջ . . . . .	45
4. Առաջաւորք . . . . .	46
5. Բուն Բարեկենդան . . . . .	47
6. Մեծ Պահոց կիրակիներ . . . . .	48
7. Միջինք . . . . .	50
8. Աղօղակ . . . . .	50
9. Աւագ Շարաք . . . . .	51
10. Զատիկ . . . . .	53
11. Ա. Առաջին Կիրակի, Զատիկ . . . . .	53
Բ. Երկրորդ Կիրակի, Կրկնազատիկ . . . . .	53
Գ. Երրորդ Կիր. Կանաչ կամ Աշխարհամատրան Կիր. . . . .	54
Դ. Կարմիր Կիրակի . . . . .	55
12. Երեւման Խաչ . . . . .	56
13. Համբարձում . . . . .	56
14. Երկրորդ Ծաղկազարդ . . . . .	57
15. Հոգեզալուստ կամ Պենտեկոստե . . . . .	57
16. Տօն Կաթողիկէ Եկեղեցւոյ Սրբոյ Էջմիածնի . . . . .	61
17. Գիւտ Նշխարաց Սրբոյն Գրիգորի Լուսաւորչին . . . . .	62
18. Գիւտ Տփոյ . . . . .	63
19. Վարդավառ . . . . .	64
20. Շողակաք . . . . .	64
21. Վերափոխումն Ս Աստուածածնի . . . . .	65
22. Գիւտ Գօտւոյ . . . . .	65

	Էջ
23. Խաչվերաց . . . . .	65
24. Տօն Եկեղեցւոյ . . . . .	66
25. Վարագայ Խաչ . . . . .	67
26. Գիւտ Խաչ . . . . .	68
27. Եօթն Շաբաթք . . . . .	69
28. Յիսնակ . . . . .	69
29 Աւագ տօնք . . . . .	70
«ՀԱՍԱՐԱԿԱՑ ԱՂՕԹԻՑ» ԺԱՄԵՐԸ . . . . .	72
ԿԱՐԳ ԺԱՄԱՍՈՒՅԵԱՆ . . . . .	76
Ա. Գիշերային ժամերգութիւն . . . . .	77
Բ. Առաւօտեան » . . . . .	78
Գ. Արեւազալի » . . . . .	79
Դ. Ճաշու » . . . . .	81
Ե. Երեկոյեան » . . . . .	81
Զ. Խաղաղական » . . . . .	82
Է. Հանգստեան » . . . . .	82
Փոքրիկ յաւելում մը. Ծռագատիկ . . . . .	83

### Վ Ր Ի Պ Ա Կ

48 էջին շարք տողին մէջ Բերդեհեւեան բառը պէտք է կարդալ Բերանիայեն :









ԲԱՐԳԷՆ ՎԱՐԴ. ԻՆ ՀՐԱՏԱՐԱԿՈՒԱԾ ԳՈՐԾԵՐԸ

Մ Ի Ի Ն Ա Ճ Ա Թ  
(Տուա Բիքապը)

Ժամագիրք, Սաղմոս, Շարական, Ագաթանգեղոս,  
Նարեկ վէ սայիր էսէրէրտէն սէչլմիշ վէ Թէվպիպ  
օլունմուշ տուալար.

Ա Ղ Օ Թ Ա Գ Ի Ր Ք  
Յասկապէս պատրաստուած Թրքերէն խօսող Հայոց համար  
Տպագր. ՆՇԱՆ Կ. ՊԵՐՊԵՐԵԱՆ, 1899

Կեդրոնատեղին  
Այնթապ՝ Վարդանէան Կրթարան

Գին 5 Ղրշ.  
ՄԷՃԻՏԸ 20 ՂՐՈՒՇԷՆ

913 3 217.

معارف نظارت جلیله سنک ۹ محرم ۱۳۱۹ و ۱۵ نیسان ۱۳۱۷  
تاریخی و ۶۶ نومرولی رخصتنامه سیله طبع اولمشدر







